

陳氏綱鑑要編



十七十八


					漢書門
		八	八		
		七	七		
		六	六		
		五	五		
		四	四		
		三	三		
		二	二		
		一	一		
冊	架	函	號	類	

內閣文庫				
				漢書
		八	八	
		七	七	
		六	六	
		五	五	
		四	四	
		三	三	
		二	二	
		一	一	
冊	架	函	號	類

十七十八

內閣文庫		
番號	漢	8781
冊數	12	(8)
函號	284	94





綱鑑要編卷之十七

淺草文庫

芝臺陳仁錫

評

仲飛林夢熊

校

明毅由手慎行

摘

稚通張睿卿

輯

心謙陳臣忠

纂

林然陳森

參

德宗皇帝下

乙丑 貞元元年春正月以盧杞為澧州別駕

盧杞遇赦移吉州長史謂人曰吾必再入未幾帝果欲用為饒州刺史給事中袁高應草制執以白盧翰。劉從一曰盧杞作相致鑿輿播遷海內瘡痍奈何遽遷大郡願相公執奏翰等不從更命他舍人草制制

出高執之不下且奏杞極惡窮凶何可復用帝不聽之

補闕陳京趙需等上疏曰杞三年擅權百揆失敘天

地所知華夷同棄儻加巨姦之寵必失百姓之心高

復於正牙論奏牙與衙通正帝曰杞已再更赦高曰

赦者止原其罪不可為刺史京等亦爭之曰杞之執

政百官常如兵在其頸今復用之則姦黨皆唾掌而

起帝大怒諫者稍引却京顧曰需等勿退此國大事

當以死爭之帝怒稍解謂宰相與杞小州李勉曰陛

下欲與之雖大州亦可其如天下失望何乃以杞為

澧州別駕帝謂李泌曰朕已可袁高所奏泌曰累日

外人切議比陛下於桓靈今承德音乃堯舜之不逮

也帝悅杞竟卒於澧州

夏六月以韋皋為西川節度使

朱滔歿以劉怵為幽州節度使李晟言赦李懷光有五不可

秋七月陝虢軍亂殺其節度使張勸詔以李泌為都防

禦轉運使

陝虢兵馬使達奚抱暉鳩殺節度使張勸代總軍務

邀求旌節且陰召李懷光將達奚小俊為援帝謂李

泌曰若蒲陝連衡則猝不可制不得不煩卿一往乃

以泌為都防禦轉運使欲以神策軍送之泌曰陝城

莊變

與太宗不
喜得高麗
喜得仁貴
同

三面懸絕攻之未可歲月下臣請以單騎入之帝曰
朕寧失陝州不可失卿當更使他人往對曰他人猶
豫遷延必不能入帝乃許之泌見陝州將吏在長安
者語之曰主上以陝虢饑故不授泌節而領運使欲
令督江淮米以賑之今當使抱暉將行營有功則賜
旌節矣抱暉稍自安泌疾驅而前將佐不俟抱暉之
命來迎泌曰吾事濟矣去城十五里抱暉亦出謁泌
慰撫之抱暉喜泌視事賓佐有請屏人白事者泌曰
易帥之際軍中煩言乃其常理泌到自妥貼矣不願
聞也由是反仄者皆自安泌召抱暉語之曰吾非愛
汝而不誅恐自今有危疑之地朝廷所命將帥皆不
能入故旬汝餘生汝為我齋版幣祭前使慎無入關
自擇安處潛來取家保無他也抱暉遂亡命不知所
之

八月馬燧平河中李懷光縊死

初懷光之解奉天圍也帝以其子璀為監察御史及
懷光屯咸陽不進璀密言於帝曰臣父必負陛下願
早為之備帝驚曰卿大臣愛子當為朕委曲彌縫之
對曰臣父非不愛臣臣非不愛其父與宗族也顧臣
力竭不能迴耳帝曰然則卿以何策自免對曰臣父

敗則臣與之俱死復有何策哉使臣賣父求生陛下亦安用之及懷光死璠亦自殺

罷討淮西兵

帝問陸贄河中既平復有何事宜區處者贄以河中既平慮希旨生事之人請乘勝討淮西時李希烈則負罪者自疑建中之憂行將復起乃上奏曰陛下悔過降號聞者涕流故諸將效死叛夫請罪逆泚懷光相繼梟殄曩以百萬之師而力殫今以咫尺之詔而化洽則聖王之敷理道服暴人任德而不任兵明矣李希烈縱未順命斯為獨夫陛下但勅諸鎮各守封

此詔甚好

疆彼既氣奪等窮是乃狴牢之類不有人禍則當鬼誅所謂不戰而屈人之兵者歟詔諸道與淮西連接者非被侵軼不須進討李希烈若降當待以不灰自餘一無所問

以張延賞為左僕射

初李晟戍成都取其營妓以還西川節度使張延賞怒追而返之晟遂與延賞有隙至是帝召延賞入相晟表陳其過惡帝重違其意以延賞為左僕射

九月盧龍節度使劉怵卒以其子濟知節度事

丙寅二年夏四月淮西將陳僊奇殺李希烈以降以僊奇

晟偉人必不介意
延賞實不
可相晟為
公非為私

為節度使

秋七月陳僊奇為其將吳少誠所殺以少誠為留後

吐蕃入寇詔渾瑊駱元光屯咸陽

九月置十六衛上將軍帝與李泌議復府兵因有是命卒不能復

李晟遣兵擊吐蕃於泝城敗之

李晟遣其將王佖將驍勇三千伏於泝城戒之曰虜

過城下勿擊其首俟見五方旗虎豹衣乃其中軍也

出其不意擊之必大捷佖用其言吐蕃尚結贊敗走

結贊吐蕃相名吐蕃俗不言姓僅而獲免謂其人曰

官族曰尚結贊官族故稱尚唐之良將李晟馬燧渾瑊而已當以計去之入鳳翔

境禁虜掠以兵直抵城下曰李令公召我來何不出

犒我經宿而還

冬十一月韓滉劉玄佐曲環俱入朝皆滉勸之也

十二月李晟入朝

帝忌晟功名會吐蕃有離間之言延賞等騰謗於朝

晟聞之晝夜泣目為之腫悉遣子弟詣長安表請為

僧不許入朝稱疾懇辭方鎮亦不許韓滉素與晟善

帝命滉諭旨使與延賞釋怨引延賞詣晟第謝因飲

盡歡晟表薦延賞為相

丁卯三年春正月以張延賞同平章事

吐蕃可以離間忠將恃延賞相也

怨可釋也薦為相誤國奈何

夏閏五月渾瑊與吐蕃盟于平涼吐蕃劫盟

戡忠而智
延賞復而
愚渾瑊有
誠而無識

初吐蕃求和於馬燧燧為之請於朝李晟曰戎狄無
信不如擊之張延賞與晟有隙數言和親便帝計遂
定延賞又言晟不宜久典兵帝乃加晟太尉罷鎮以
渾瑊為會盟使將二萬人赴盟所瑊奏吐蕃決以辛
未盟延賞集百官以瑊表示之曰李太尉謂吐蕃和
好必不成今盟日定矣晟聞之泣曰吾生長西陲備
諳虜情所以奏論但耻朝廷為犬戎所侮爾帝始命
駱元光韓遊瓌等屯洛口以為瑊援與瑊連營相次
元光伏兵於營西遊瓌亦遣五百騎伏於其側辛未

社稷臣用
心
元光不辱
應援
老將亦為
此語

將盟吐蕃伏精騎數萬於壇西瑊入幕易禮服虜伐
鼓三聲大譟而至瑊自幕後出偶得他馬乘之虜縱
兵追擊唐將卒死者數百人元光發伏成陳以待之
虜騎乃還是日帝謂諸相曰今日和戎息兵社稷之
福燧曰然柳渾曰戎狄豺狼非盟可結今日之事臣
切憂之晟曰誠如渾言帝變色曰柳渾書生不知邊
計大臣亦為此言邪皆伏地頓首謝因罷朝是夕遊
環表言虜劫盟帝大驚謂渾曰卿書生乃能料敵如
此其審耶帝由是惡燧初尚結贊惡晟燧瑊曰去三
人則唐可圖也於是離間晟因燧以求和執瑊以賣

綸錄要略 卷一 一
燧使竝獲罪因縱兵直犯長安會失城而止

六月以李泌同平章事

泌初視事與李晟等俱入見帝謂泌曰朕欲與卿有約卿慎勿報仇有恩者朕當為卿報之對曰臣素奉道不與人為仇李輔國元載皆害臣者自斃矣素所善者率已顯達或多零落臣無可報也臣今日亦願與陛下為約可乎帝曰何不可泌曰願陛下勿害功臣李晟馬燧有大功於國聞有讒之者陛下萬一害之則宿衛之士方鎮之臣無不憤惋反仄恐中外之變復生也陛下誠不以二臣功大而忌之二臣不以

位高而自疑則天下永無事矣帝以為然晟燧皆起

泣謝

秋七月以李昇為詹事

初張延賞與李叔明有隙帝入駱谷衛士多亡叔明之子昇及郭曙令狐建等恐有姦人危乘輿相與齧臂為盟更鞅帝馬以至梁州及還長安帝皆以為禁衛將軍寵遇甚厚延賞知昇私出入郾國太長公主第公主蕭宗女適蕭昇密以白帝帝使李泌察之泌曰此必有動搖東宮者其延賞乎帝曰何以知之泌具為帝言二人之際且言昇承恩顧延賞無以中傷而郾主乃

太子妃之母也故欲以此陷之耳帝笑曰是也泌因請罷昇宿衛以遠嫌從之

八月幽部國大長公主流李昇於嶺南

李昇等出入公主第或告公主淫亂帝怒幽主於禁中流昇等嶺南切責太子太子懼請與妃離昏帝召李泌告之且曰舒王近已長立孝友溫仁泌曰陛下惟有一子奈何欲廢之而立姪帝曰卿不愛家族乎對曰臣惟愛家族故不敢不盡言若畏陛下盛怒而為曲從陛下明月悔之必尤臣云吾獨任汝為相不力諫使至此必復殺而子臣老矣餘年不足惜若寃

獨相者言

殺臣乎使臣以姪為嗣臣未知得歆其祀乎因嗚咽流涕帝亦泣曰事已如此奈何對曰陛下不見建寧之事乎帝曰建寧叔實寃肅宗性急故耳泌曰臣昔為此故辭歸誓不近天子左右不幸今日復為陛下相又觀茲事今陛下既知肅宗急而建寧寃願陛下深戒其失從容三日究其端緒必釋然知太子無他矣帝曰為卿遷延至明日思之泌抽笏叩頭而泣曰陛下還宮當自審思勿露此意于左右露之則彼皆欲樹功於舒王太子危矣帝曰具曉卿意間一日帝獨召泌流涕曰非卿切言朕今日悔無及矣太子仁

妄其身易
真心定其
交三者皆
有之

孝實無他也。自今軍國及朕家事皆當謀於卿矣。泌拜賀曰：臣報國畢矣，驚悸亡魂，不可復用。願乞骸骨。帝慰諭不許。

九月回紇求和親許之。

回紇合骨咄祿可汗屢求和親，帝未之許。會邊將告乏馬，李泌言於帝曰：臣有愚策，可使馬賤十倍。帝問之，對曰：臣願陛下北和回紇，南通雲南，西結大食，東竺如此，則吐蕃自困，馬亦易致矣。帝曰：三國當如卿言，至於回紇則不可。泌曰：今日之計，回紇為先。三國差緩，陛下所以不可。豈非以陝州之恥邪？帝曰：然。韋

回紇上怒回紇故緩言

人生只為食言貴遂

理沒了一

半經齊泌

累之該骨

幹如詩大

重其詭言

神信乃辟

殺套數何

更怪哉

少華等以朕之故受辱而歿，朕豈能忘之？泌曰：害少華等乃牟羽可汗後復入寇為今，可汗所殺。然則今可汗乃有功於陛下，又何怨邪？帝終不許。泌乃乞骸骨。帝曰：朕不憚屈已，但不能負少華輩耳。泌曰：以臣觀之，少華輩負陛下，非陛下負之也。帝曰：何故？對曰：昔葉護將兵助國，肅宗止令臣宴勞之，亦不至其營。及大軍將發，先帝始與相見，蓋戎狄豺狼，不得不過為之防。陛下在陝，少華輩不能深慮，以萬乘元子，徑造其營，又不先與議，相見之儀，使彼得肆其桀驁，豈非少華輩負陛下邪？昔葉護欲掠長安，先帝親拜於

劣逸說破
國家所急
在吐蕃非
回紇不能
制必苦心
謀國哉

馬前以止之當時觀者十餘萬人皆嘆息曰廣平王
真華夷主也然則先帝所屈者少所伸者多矣况牟
羽身為可汗舉國赴難當是之時臣不敢言其他若
留陛下於營中歡飲十日天下豈得不寒心哉以此
二事觀之則屈已為是乎不屈已為是乎帝謂李晟
馬燧曰朕素怨回紇今聞泌言自覺少理卿以為何
如皆對曰誠如泌言泌曰臣以為回紇不足怨向來
宰相乃可怨耳回紇再復京城今可汗又殺牟羽復
有何罪吐蕃幸國之災陷河隴數千里之地又入京
城使先帝蒙塵於陝此乃百代必報之讐為可怨耳

帝曰朕與之為怨已久今往與之和得無復拒我為
夷狄笑乎對曰臣請以書與之約為臣子每來不過
二百人市馬不過千匹無得携中國人及商胡出塞
五者皆能如約則主上必許和親如此威加北荒旁
讐吐蕃足以快陛下平昔之心矣帝從之既而回紇
可汗遣使上表聽命帝大喜謂泌曰回紇何畏服卿
如此對曰此乃陛下威靈臣何力焉帝因問招雲南
大食天竺之計對曰回紇和則吐蕃已不敢輕犯塞
矣雲南苦吐蕃賦役未嘗一日不思復為唐臣也大
食在西域為最彊與天竺皆慕中國代與吐蕃為仇

臣故知其可招也遂遣其使者歸許以公主妻之明年回紇來迎公主請改號回鶻冊爲回鶻長壽天親可汗以咸安公主歸之

戊辰

四年春二月以諸道稅外錢帛輸大盈庫

先是帝謂李泌曰諸道貢獻宮中用度殊不足泌曰古者天子不求私財願陛下勿受貢獻及罷宣索必有所須降勅折稅不使奸吏因緣誅剝帝從之及勾勘使元友直運淮南錢帛二十萬至泌悉輸之大盈庫然上猶數有宣索勅諸道勿令宰相知泌聞之惆悵而不敢言

尹起莘曰李泌相業多可觀者獨輸錢大盈不滿人意夫楊炎尚能一言歸財賦於左帑泌乃反不及之亦由德宗政事多僻泌皆一一爭辯至是有不能盡言者君子所以爲之惜也

夏六月徵陽城爲諫議大夫

城夏縣人以學行著聞隱居柳谷李泌薦之

巴巴五年春二月以董晉竇叅同平章事

時李泌自陳衰老乞更除一相帝曰朕深知卿勞苦但未得其人耳因從容與泌論卽位以來宰相曰盧杞忠清彊介人言杞姦邪朕殊不覺泌曰此乃杞之

亦說不透

三大罪

人人可以
造命此亦
偏論

所以為奸邪也。倘陛下覺之，豈有建中之亂乎？帝曰：建中之亂，術士豫請城奉天，此蓋天命，非杞所能致之。泌曰：天命，他人皆可以言之，惟君相不可言。蓋君相所以造命也。若言命，則禮樂刑政皆無所用矣。既而泌薦竇叅、董晉可用，帝遂相之。叅為人剛果，無學術，多引親黨置要地。晉克位而已，然晉慎重，所言於帝前者，未嘗泄於人子弟。或問之，晉曰：欲知宰相能否，視天下安危所謀議於帝前者，不足道也。

于文定曰：晉之相業，未知何如其時，天下安危未必能有所揆正，其語則知大體矣。史乃以其循默能容，是見其迹而未亮其心也。後之為相人主之德意壅之而不宣，入告之謀猷則播之而不隱，如晉所言，乃王佐之言。孔光、溫樹之對，慎重不泄，有之屯道則未知也。

三月中書侍郎同平章事鄴侯李泌卒

泌有謀畧而好談神仙詭誕，故為世所輕。

于文定曰：李泌一代才也，無論左右肅代治亂，持危中興之功，第一如相。德宗數事止朱泚之請地，陳韓滉之忠，單騎入陝保馬燧，李晟之危疑，隸天策諸軍省度支之費，明太子之寃定，吐蕃之和動。

中肯祭力轉樞鈴明白正大皆為不可易之論宜公以外鄴侯一人也唐史乃之乃謗書也摠之智畧才識高出一世而機警辨博頡頏世資則誠有之受知三朝職親地密而低昂毀譽無所依回所也不及留侯品也非才也

辛未七年秋八月以陸贄為兵部侍郎解內職贄參惡之也

壬申八年夏四月賜諫議大夫吳通玄死貶竇參為柳州

別駕

竇參陰狡而復恃權而貪每遷除多與族子給事中申議之申招權受賂時人謂之喜鵲帝頗聞之申恐

亦是精明

陸贄進用陰與諫議大夫吳通玄作謗書以傾贄帝察知之貶參賜通玄死

以趙憬陸贄同平章事

入相第一事

贄請令臺省長官各舉其屬異日考其殿最并以升黜舉者詔行之未幾或言於帝曰諸司所舉皆有情

故不得實才帝密諭贄自今除改卿宜自擇勿任諸

司贄上奏曰宰相不過數人豈能徧諳多士今之宰

相即往日臺省長官今之臺省長官乃將來之宰相

豈有為長官之時不能舉一二屬吏居宰相之位可

擇千百具僚是以人主擇輔臣輔臣擇庶長庶長擇

選舉即今九卿公舉之法而舉至連坐未行

僚佐將務得人無易於此帝竟追前詔不行

平盧節度使李納卒

軍中推其子師古知留後

秋七月以司農少卿裴延齡判度支事

帝欲用延齡判度支贊言度支準平萬貨刻吝則生患寬假則容姦延齡誕妄小人用之恐傷聖鑒帝不從

天下四十餘州大水

陸贄請遣使賑撫帝曰淮西闕貢賦不必遣也贄曰昔秦晉仇敵穆公猶賑其飢况帝王懷柔萬邦惟德與義寧人負我無我負人乃遣中書舍人奚陟等宣

師水災

撫諸道

癸酉九年春正月初稅茶

監鐵使張滂之請也

夏五月以趙憬為門下侍郎與賈耽盧邁同平章事

先是帝使人諭陸贄曰自今要重之事勿對趙憬陳論當密封手疏以聞至是憬疑贄排已置之門下由是與贄有隙

君疑相相自疑黨黨所引之始

甲戌十年冬十二月陸贄罷為太子賓客

贄為相奏論備邊六失以為措置乖方課責虧度財匱於兵衆力分於將多怨生於不均機失於遙制帝雖不能盡從心甚重之及裴延齡恣為詭譎贄日陳

如此立朝
夕無惡于
志
深小人不
足惜可惜
宜公知人
之明耳

其不可用帝不悅待延齡益厚贊以帝知待之厚事
有不可常力爭之所親或規其太銳贊曰吾上不負
天子下不負所學他無所恤延齡日短贊於帝趙憬
密以贊所譏彈延齡事告之故延齡益得以為言帝
由是信延齡而不直贊遂罷贊為太子賓客

乙亥

十一年夏四月貶陸贄為忠州別駕

裴延齡請贄
怨望貶之

初陽城自處士徵為諫議大夫拜官不辭人皆想望
風采曰城必諫諍死職下及至諸諫官紛紛言事細
碎天子益厭苦之而城方與二弟及客日夜痛飲人
莫能窺其際前進士韓愈作爭臣論以譏之城亦不

如此立朝
方是獨立
不

以屑意及陸贄等貶帝怒未解中外惴恐無敢救者
城聞而起曰不可令天子信用姦臣殺無罪人即帥
拾遺王仲舒熊執易崔邠等守延英門上疏論延齡
姦邪贄等無罪帝大怒太子為營說乃解金吾將軍
張萬福聞諫官伏閣趣往大言賀曰朝廷有直臣天
下必太平矣遂遍拜城等時朝夕相延齡城曰脫以
延齡為相城當取白麻壞之

唐制封王拜相用白
麻紙寫制不用印

慟於庭乃改城為國子司業

丙子

十二年夏四月魏博節度使田緒卒

左右推其子
季安為留後

六月以竇文場霍仙鳴為護軍中尉

初帝置六統軍視六尚書視比也謂統軍資格比尚書以處罷鎮

者相承用麻紙寫制至是文場諷宰相比統軍降麻

翰林學士鄭綱奏故事惟封王命相用白麻今不識

陛下特以寵文場邪遂為著令也帝乃謂文場曰武

德貞觀時中人不過員外將軍衣緋者無幾輔國以

來始墮制度朕今用爾不謂無私若復降麻天下必

謂爾脅我為之矣文場叩頭謝遂焚之時竇霍勢傾

中外藩帥多出神策軍臺省清要亦有出其門者矣

以嚴綬為刑部員外郎初帝以奉天窘乏故還宮以來專意聚斂藩鎮多以

漸臣必防其

進奉市恩皆云稅外方圓言於常稅外或方或圓宛轉說法所致亦云

用度羨餘其寔或割留常賦或增斂百姓或刻減吏

祿或販鬻蔬菓往往自入所進纔什一二李兼在江

西有月進韋皋在西川有日進宣歙判官嚴綬掌閭

務竭府庫以進奉徵為刑部員外郎幕僚進奉自綬

始

秋九月裴延齡卒

中外相賀帝獨悼惜之

丁丑十三年冬十二月以宦官為宮市使

先是宮中市外間物令官吏主之隨給其直比歲以

宦者為使謂之宮市置白望數百人抑買人物以紅

紫染故衣敗繒尺寸裂而給之仍索進奉門戶及脚
價錢人將物詣市至有空手而歸者每勅使出雖沽
漿賣餅之家皆徹業閉門諫官御史數諫不聽徐州
節度使張建封入朝具奏之帝頗嘉納以問判度支
蘓弁弁希宦官意對曰京師遊手萬家無生業仰宮
市取給帝信之故凡言宮市者皆不聽

戊寅

十四年秋九月吳少誠叛

詔制奪其官爵令諸道進兵討之官軍大潰會少誠

致書監軍求昭洗乃赦之復其官爵

貶陽城爲道州刺史

太學生薛約師事司業陽城坐言事徙連州城送之

薛約

郊外貶道州刺史城治民如治家賦稅不登觀察使
數加誚讓自署其考曰撫字心勞徵科政拙考下下
觀察使遣判官督其賦城自繫獄判官大驚馳謁之
城不復歸館判官辭去又遣他判官往按之他判官
載妻子行道中逸去

乙卯

十五年春以李錡爲浙西觀察諸道鹽鐵轉運使

禮部尚書李齊運受李錡賂數十萬薦之於帝故用
之錡刻剝以事進奉帝由是悅之錡又以餽遺結權
貴恃此驕縱無所忌憚復欲爲自全計增廣兵衆選
有力善射者謂之挽疆胡奚雜類謂之藩落給賜十

以土地易賄賂

倍他卒

辛巳 十七年夏五月成德節度使王武俊卒 以其子士真代之

癸未 十九年冬十二月貶韓愈為陽山令

薦引斥逐如期而効實亦忘矣

京兆尹李實務徵求以給進奉愈時為御史言京畿百姓窮困今年稅物徵未得者請俟來年遂坐貶

甲申 二十年秋九月太子有疾

以伎術說進術

初翰林待詔王伾善書王叔文善碁俱出入東宮太子嘗與諸侍讀論及宮市事叔文曰太子職當侍膳問安不宜言外事陛下在位久如疑太子收人心何以自解太子泣曰非先生寡人無以知此遂大愛幸

亦是忠言

與伾相依附密結翰林學士韋執誼及朝士有名而

真敗類也賢者而求進與鄙夫者無所不至矣

求速進者陸淳呂溫李景儉韓曄韓泰陳諫柳宗元劉禹錫等為死友日與遊處蹤跡詭秘莫有知其端者

乙酉 二十一年 順宗永貞元年 春正月帝崩太子即位

帝以風疾失音不能決事宦官李忠言昭容牛氏侍左右百官奏事自帷中可其奏王伾召王叔文坐翰林中使決事伾入言於忠言稱詔行下外人無知者以韋執誼同平章事

以王伾為左散騎常侍王叔文為翰林學士

每事先下翰林使叔文可，否然後宣於中書。韋執誼承而行之。韓泰、柳宗元、劉禹錫等采聽謀議，互相推獎，憫然自得以。伊周管葛復出，榮辱進退生於造次。其門晝夜車馬如市，尋以王伾為翰林學士，叔文以母喪去位。

大赦罷進奉宮市五坊小兒

先是鹽鐵月進羨餘，經入益少。五坊小兒五坊鵬坊、鵠坊、鷓坊、鴝坊、鶻坊

鷹坊、狗坊張捕鳥雀於閭里者，皆為暴橫，以取人錢物。至

有張羅網於門，或張井上，近之輒曰：汝驚供奉鳥雀，即痛毆之。出錢物求謝乃去，或相聚飲食於酒肆賣

者，就索其直，多被毆詈。或時留蛇一囊為質，賣者求哀乃挈而去。帝在東宮，知其弊，故即位首禁之。

追陸贄陽城赴京師未至卒

立廣陵王純為皇太子初名淳，更名純

先是杜黃裳為裴延齡所惡，留滯臺閣十年不遷。及其壻韋執誼為相，始遷太常卿。黃裳勸執誼帥羣臣請太子監國，執誼驚曰：丈人甫得一官，奈何議禁中事？黃裳勃然曰：黃裳受恩三朝，豈得以一官相買乎？拂衣起出，至是執誼恐太子不悅，故以陸質為侍讀。

質即淳也，避太子諱改。使潛伺太子意，且解之。太子怒曰：陛下

令先生為寡人講經義耳何為預他事質懼而出

于文定曰當時執誼附麗任文謀專大政視黃裳

一老卿耳及二王既逐奄奄惶沮而黃裳拜相借

其氣勢猶得後貶回視當時意氣何如小人成敗

在頃臾而揚揚自得以為無患者大抵然也

秋七月太子監國

中外多疾叔文黨與帝亦惡之韋臯等屢請以太子

監國帝許之

以杜黃裳同平章

八月帝傳位於太子自號太上皇貶王伾為開州司馬

叔文為渝州司戶

伾尋病死明年賜叔文死

太子即位

貶韓泰韓曄柳宗元劉禹錫為諸州刺史

尋再貶為諸州司馬

冬十一月貶韋執誼為崖州司戶

于文定曰執誼為叔文所傾心附既得相位欲

掩其迹時為異同此小人之罪人也

十二月以劉闢為西川節度副使

西川節度使韋臯卒副使劉闢自為留後表求節鉞

帝不許徵為給事中闢不受徵阻兵自守帝以初嗣

位未能討闢因而授之

臯是唐朝巨勳豈遂以進奉掩之

憲宗皇帝

名純順帝太子
在位十五年

丙戌 元和元年春正月太上皇崩

劉闢反命神策行營節度使高崇文將兵討之

闢既得旌節志益驕求兼領三川

謂東川西川
山南西道也

帝不

許闢遂發兵圍梓州帝欲討闢而重於用兵公卿議

者亦以蜀險固難取杜黃裳獨曰闢狂戇書生取之

如拾芥爾神策軍使高崇文勇略可用願專以軍事

委之勿置監軍闢必可擒帝從之帝與黃裳論及藩

鎮黃裳曰德宗務為姑息不生除節帥有物故者察

軍情所與則授之未嘗出朝廷之意陛下必欲振舉

紀綱宜稍以法度裁制藩鎮然後天下可得而理也

帝以為然始用兵討蜀以至威行兩河皆黃裳啓之

也帝與宰相論自古帝王或勤勞庶政或端拱無為

何為而可黃裳對曰明主勞於求賢而逸於任人秦

始皇衡石程書隋文帝衛士傳餐皆無補於當時取

譏於後來夫人主患不推誠人臣患不竭忠苟上疑

其下下欺其上將以求理不亦難乎帝深然之

夏四月策試制舉之士

於是元稹獨孤郁白居易
易蕭俛沈傳師出焉

以李巽為度支鹽鐵轉運使

自劉晏之後居財賦之職者莫能繼之巽掌使一年

即處闢一
事即知不
能平河北

黃裳卓見
崇文妙用

杜佑請李
巽自代

征課所入類晏之多明年過之又一年加一百八十萬緡

秋八月平盧節度使李師古卒

以其弟師道為留後

九月高崇文克成都擒劉闢送京師斬之

闢有二妾皆姝色監軍請獻之崇文曰天子命我討平凶豎當以撫百姓為先遽納婦人以求媚豈天子意耶乃以配將吏之無妻者杜黃裳建議征蜀指授方畧皆懸合事宜及蜀平宰相入賀帝目黃裳曰卿之功也

徵少室山人李渤為左拾遺

渤辭疾不至朝政得失輒附奏陳論

胡寅曰伊尹之囂囂然也初無毫髮當世之念及其憐然也乃有堯舜君民之心孔明臥草廬中不求聞達及劉玄德枉駕然後許以驅馳古之達人心無二用如此渤於此尚論景行豈亦有未詳乎于文定曰士君子出處語默不可處容易也以為當仕不必辭疾以為當隱不必論事身既隱矣言于何有渤之自處非也若元老世臣則不可以此例矣

冬十一月以宦者吐突承瓘為左神策中尉

承瓘事帝於東宮以

幹敏得幸

丁亥二年春正月杜黃裳罷爲河中節度使黃裳頗通
魏謝罷之
以武元衡李吉甫同平章事

吉甫謂中書舍人裴珀曰吉甫流落江淮踰十五年
一旦蒙恩至此思所以報德惟在進賢若有精鑒願
悉爲我言之珀取筆疏三十餘人數月之間選用畧
盡當時翕然稱吉甫得人

于文定曰吉甫進賢報國翕然稱爲得人此一時
也何其虛心及牛李對策指陳時政乃惡其切直
請令裴珀對策以無所異同俱遭貶逐此一時也
何其剛愎旬月之間意向頓殊權勢之溺人如此

顯公猶私

夏四月李錡反制削官爵屬籍發諸道兵討之

李絳

時蜀旣平鎮海節度使李錡不自安求入朝帝許之
錡實無行意屢遷行期下詔徵之錡遂謀反遣諸道
兵討之兵馬使張子良執錡送京師斬之有司籍其
家財輸京師翰林學士裴珀李絳言錡割剝六州以
富其家今輸上京恐遠近失望願以賜浙西百姓代
今年租賦帝從之帝嘗問絳曰諫官多謗訕朝政朕
欲謫其尤者一二人以儆其餘如何對曰人臣死生
繫人主喜怒敢發口諫者有幾就有諫者晝度夜思
朝刪暮減比得上達什無二三人主孜孜求諫猶懼

綱鑑要編 卷十七 憲宗 二十三

不至。况罪之乎。帝善其言。謂宰相曰。自今事有違宜。卿當十論無但一二而已。

居易以詩進坡公以詩貶足以觀世矣

居易作樂府百餘篇。規諷時事。流聞禁中。帝悅之。故有是命。

李吉甫上元和國計簿

戶稅比天寶四分減三。兵給比天寶三分增一大率。二戶資一兵。其水旱所傷。非時調發。不在此數。

于文定曰。西北諸道。率在陝西兩河。藩鎮則今北直山西山東河南皆為化外。朝廷以關中為室隔。數千里。賊境止取給于江南八道。當時有一跋扈之臣。捧杯土以塞河淮之路。關中立槁矣。百年而後亡幸也。

後亡幸也

戊子

三年夏四月。策試賢良方正。直言極諫舉人。

平李之始

吉甫報國之意。謂何

牛僧孺。皇甫湜。李宗閔。皆指陳時政之失。考官揚於陵。韋貫之。署為上第。帝亦嘉之。李吉甫惡其言直。泣

訴於帝。且言湜學士。王涯之甥。涯與裴垪覆策而不

自言。帝罷垪貶於陵。貫之。涯僧孺等久不調。

唐末黨禍起於

此

此黨自上開之。不服其心

秋七月。以裴垪同平章事。

帝雖以李吉甫故。罷垪學士。然寵信彌厚。復擢為相。垪器局峻整。人不敢干。以私嘗有故人。自遠詣之。垪

開諫

資給優厚從容款狎其人乘間求京兆判司垧曰公才不稱此官不敢以故人之私傷朝廷至公先是執政多惡諫官言時政得失垧獨賞之

丑巳四年春正月南方旱饑遣使宣慰賑恤

宣慰使鄭敬等將行帝戒之曰朕宮中用帛一匹皆籍其數惟賜救百姓則不計費卿等宜識此意勿效潘孟陽飲酒遊山而已

賑饑

以李藩同平章事

藩給事中制勅有不可者即於黃紙後批之吏請更連素紙藩曰如此乃狀也何名批勅裴垧薦藩有宰

以給事權

為人光矣

相器帝擢為相

三月成德節度使王士真卒

子承宗自為留後

夏四月山南東道節度使裴均進銀器

時制絕進奉均有中人之助首進銀器李絳白居易等請却之帝遽命出付度支尋密諭進奉院自今諸道進奉無得申御史臺有訪問者輒以名聞

羅遜奉名
果尔貪甚
德宗矣

秋七月貶楊憑為臨賀尉

時中丞李夷簡彈京兆尹楊憑貪汙僭侈貶臨賀尉親友無敢送者櫟陽尉徐晦獨至藍田與別權德輿謂之曰君送楊臨賀誠為厚矣無乃為累乎對曰晦

自布衣蒙楊公知獎今日遠謫豈得不與之別借如
明公他日爲讒人所逐晦敢自同路人乎德輿嗟嘆
稱之後數日夷簡奏爲監察御史謂之曰君不負楊
臨賀肯負國乎

九月王承宗表獻德棣二州詔以承宗爲成德節度使
帝欲革河北諸鎮世襲之弊乘王士真歿欲自朝廷
除人不從則與師討之裴埴曰陛下前許師道今奪
承宗沮勸違理彼必不服議久不決李絳曰武俊父
子相承四十餘年今承宗已總軍務一旦易之恐未
卽奉詔又河北諸鎮事體正同彼聞成德誅必內不

自安陰相黨助未可輕議時吳少誠病甚絳等言少
誠病必不起淮西四旁皆國家州縣不與賊通朝廷
命帥今正其時萬一不從可議征討臣願捨恒冀難
致之策就申蔡易成之謀旣而承宗以未得朝命頗
懼累表自訴帝遣裴武宣慰承宗請獻德棣二州詔
以承宗爲成德軍節度德州刺史薛昌朝爲保信軍
節度領德棣二州田季安使謂承宗曰昌朝陰與朝
廷通故受節鉞承宗襲執昌朝帝遣使諭承宗遣昌
朝還鎮承宗不奉詔
以許孟容爲京兆尹

左神策軍吏李昱貸長安富人錢不償孟容收捕械繫立期使償日期滿不足當死中尉訴於帝帝遣中使宣旨送本軍孟容曰臣不奉詔當死然臣為陛下尹京畿非抑制豪彊何以肅清輦下錢未償李昱不可得帝嘉其剛直而許之京城震栗

冬十月削奪王承宗官爵發兵討之以吐突承瓘為招討處置等使

翰林學士白居易上奏以為國家征伐當責成將帥自古未有專令中使領統者也陛下忍令後代相傳云以中官為制將都統自陛下始乎廷臣亦極言其

不可帝不得已改處置為宣慰

十一月彰義節度使吳少誠卒從弟少陽自為留後帝以河朔用兵不能討少

陽以為留後

庚寅五年春正月貶元稹為江陵士曹

河南尹房式有不法事御史元稹奏攝之壇令停務朝廷以為不可罰俸召還至敷水驛有內侍後至破驛門入擊稹傷面帝復引稹前過貶之

于文定曰相如以狗監楊意進元稹以崔潭進其事同也然長卿引疾避世托跡文園近乎不規榮利微之以嗜進冒榮為朝論所鄙之以瓜上青蠅相



詬辱品可知矣

秋七月制雪王承宗復其官爵

吐突承瓘與承宗戰屢敗軍中奪氣承宗遣使乞輸

貢賦請官吏許其自新朝廷以師久無功制雪承宗

復以德棣二州與之

瀛州刺史劉總弒其父濟及其兄緄遂領軍務

九月罷吐突承瓘為軍器使裴垠李絳奏罷之未幾出為淮南監軍

以權德輿同平章事

帝問為政寬猛何先德輿對曰秦以慘刻而亡漢以

寬大而興先後可見矣帝善其言

冬十二月以李絳為中書舍人學士如故

帝嘗欲遊獵苑中至蓬萊池西謂左右曰李絳必諫

不如且止絳嘗面陳吐突承瓘專橫語極懇切帝作

色曰卿言太過絳泣曰陛下置臣於腹心耳目之地

若臣畏避左右愛身不言是臣負陛下言之而陛下

惡聞乃陛下負臣也帝怒解曰卿所言皆人所不能

言真忠臣也故有是命絳嘗從容諫帝聚財帝曰今

政令不及兩河河湟淪於左衽朕日夜思雪祖宗之

耻而財力不贍故不得不蓄聚耳不然朕宮中用度

極儉薄多藏何用邪

淮西平所積為驕侈之資耳

憲宗倚翰林為腹心耳目

六年春二月以李絳為戶部侍郎

帝問李絳故事戶部皆進羨餘卿獨無進何也對曰戶部所掌皆陛下府庫之物給納有籍安得羨餘若自左藏輸之內藏以為進奉是猶東庫移之西庫臣不敢踵此弊也帝嘉其直益重之

冬十二月以李絳同平章事

帝御延英李吉甫言天下太平陛下宜為樂絳曰漢文帝時水無刃家給人足賈誼猶以厝火積薪之下不可不慮安今法令所不能制者河南北五十餘州大戎近接涇隴烽火屢驚加之水旱時作倉廩空虛

先出承攅
而後相之
吉甫多修
舊志

此正陛下宵衣旰食之時豈得謂之太平遽為樂哉

帝欣然曰卿言正合朕意退謂左右曰吉甫專為悅

媚如李絳真宰相也吉甫又嘗言賞罰人主之二柄今惠澤已深威刑永震中外懈惰願加嚴以振之絳曰王者尚德不尚刑豈可舍成康文景而效始皇父子乎帝曰然

七年春正月以元義方為鄜坊觀察使

京兆尹元義方媚事吐突承瓘李絳惡而出之義方入謝因言李絳私其同年許季同帝詰絳曰人於同年固有情乎對曰同年乃四海九州之人偶同科第

而後相識於情何有宰相職在量才授任若其人果才雖在兄弟子姪之中猶常用之况同年乎避嫌而棄才是乃便身非徇公也帝曰善

于文定曰徇私而與之是知有其人也避嫌而棄之是不知有其事也有其人私不有其人亦私總之無容心可矣誠以無心處之雖割恩未必怨內舉不爲私也李絳之言乃大公至正之論聖人所不易者

夏五月詔蠲淮浙租賦

帝謂宰相曰卿輩屢言淮浙去歲水旱近有御史曰

彼還言不至爲災事竟如何絳曰臣按淮浙諸道奏狀皆云水旱人流求設法招撫其意似恐朝廷罪之者豈肯無災而妄言災邪此蓋御史欲爲姦諛以悅上意耳帝曰卿言是也因命速蠲租賦帝嘗與宰相論治道於延英殿日盱暑甚汗透御服宰相恐帝體倦求退帝留之曰朕入宮中所與處者獨宮人宦官耳故樂與卿等共談爲理之要姝不知倦也

秋七月立遂王恒爲皇太子

崔群不草讓表

八月魏博節度使田季安卒

立其子懷諫爲副大使

冬十月魏博兵馬使田興請吏奉貢詔以興爲節度使

賜名
弘正

懷諫幼弱軍政皆決於家僮衆憤怒推兵馬使田興
爲留後興謂衆曰勿犯副大使守朝廷法令申版籍
請官吏然後可皆曰諾魏博監軍以聞遂以興爲魏
博節度使

十一月遣知制誥裴度宣尉魏博

憲宗之財
能入亦能

李絳言魏博五十餘年不需王化一旦來歸不有重
賞則無以慰士卒之心使四隣勸慕請發內庫錢百
五十萬緡以賜之乃遣裴度至魏博宣慰以錢賞軍
士六州百姓給復一年軍士受賞歡聲如雷成德充

鄆使者數輩見之相顧失色嘆曰倔彊者果何益乎

度爲興陳君臣上下之義興聽之終日不倦

癸巳

八年春正月權德輿罷

李吉甫李絳數爭論於帝前
德輿無所可否帝鄙之故罷

徵西川節度使武元衡入知政事

甲午

九年春正月李絳罷爲禮部尚書

不可使君
交知

帝嘗問李絳人言外間朋黨太盛何也李絳對曰自

古人君所甚惡者莫若朋黨故小人譖君子者必曰

朋黨此東漢之所以亡也願陛下深察之絳屢以疾

辭位故罷

以吐突承瓘爲神策中尉

李絳既罷故
復召還承瓘

秋閏七月彰義節度使吳少陽卒其子元濟匿喪自領軍務

乙未十年春正月吳元濟反制削其官爵發兵討之

三月以柳宗元為柳州刺史劉禹錫為連州刺史

王叔文之黨十年不量移執政有憐其才欲漸進之

者悉召至京師諫官爭言其不可帝亦惡之皆以為

遠州刺史宗元得柳州禹錫得播州宗元曰播州非

人所居而夢得親在堂禹錫字夢得萬無子母俱往理欲

請於朝以柳易播中丞裴度亦以禹錫母老為帝言

帝曰為人子不自謹貽親憂此則重可責也度曰陛

下方侍太后恐禹錫在所宜矜帝退謂左右曰裴度

愛我忠切禹錫得改連州

田弘正遣其子布將兵助討淮西

夏五月遣御史中丞裴度宣慰淮西行營

諸軍討淮西久未有功帝遣裴度詣行營宣慰察用

兵形勢度還言淮西必可取之狀且曰觀諸將李光

顏勇而知義必能立功既而光顏數敗賊軍帝以度

為知人知制誥韓愈亦言淮西殘弊困劇之餘而當

天下之全力其破敗可立而待然所未可知者在陛

下斷與不斷爾

六月盜殺中書侍郎同平章事武元衡擊裴度傷首

吳元濟求救於恒鄆王承宗李師道數上表請赦元濟不許帝悉以用兵事委元衡師道客曰天子所以銳意誅蔡者元衡贊之也請密往刺之元衡歿則他相爭勸天子罷兵矣師道資給遣之元衡昧且入朝有賊自暗中殺之取其顱骨而去又擊裴度傷其首度羶帽厚得不死於是詔宰相出入加金吾騎士張絃露刃以衛之殺元衡賊王士元十六人以裴度同平章事

聖主

或請罷度官以安恒鄆之心帝怒曰若罷度官是奸謀得成朝廷無復綱紀吾用度一人足破二賊遂以度為相度言淮西腹心之疾不得不除且朝廷業已討之兩河跋扈者將視此為高下不可中止帝以為然悉以兵事委度討賊愈急未幾唐鄧節度使高霞寓為淮西所敗中外駭愕宰相入見將勸罷兵帝曰勝負兵家之常今但當論用兵方略察將帥之不勝任者易之兵食不足者助之耳豈得以一將失利遽議罷兵邪於是獨用裴度之言他人言罷兵者亦稍息矣

秋八月李師道遣兵襲東都捕得伏誅始知殺武元衡者乃師道也九月以韓弘為淮西諸軍都統

弘欲倚賊自重不願淮西速平遺李光顏一美婦人
光顏乃大饗將士謂使者曰戰士數萬皆棄家遠來
冒犯白刃光顏何忍獨以聲色自娛悅乎因流涕坐
者皆泣乃卽席厚贈使者并妓返之曰爲光顏多謝
相公光顏以身許國誓不與賊同戴日月歿無二矣

丙申十一年春正月制削王承宗官爵發兵討之

二月以李逢吉同平章事

夏四月以司農卿皇甫鎛判度支

鎛始以聚歛得幸

冬十一月以柳公綽爲京兆尹

公綽初赴府有神策小將躍馬衝其前導公綽駐馬

杖殺之明日入對帝怒詰之對曰京兆爲輦轂師表
今視事之初而小將敢爾唐突此乃輕陛下詔命非
獨慢臣也臣知杖無禮之人不知其爲神策軍將也
帝曰何小奏對曰臣職當杖之不當奏帝退謂左右
曰汝曹湏作意此人朕亦畏之

十二月以李愬爲唐鄧節度使

愬李晟之子

愬至唐州知士卒憚戰謂之曰天子知愬柔懦故使
拊循爾曹至於戰攻進取非吾事也衆始信而安之
愬不事威嚴或以軍政不肅爲言愬曰賊聞吾至必
增備吾故示之不肅彼必懈怠然後可圖也淮西人

歸于天子
而付之然
後容用之
真將將手

輕愬不為備其將李祐有勇畧愬誘而擒之釋縛待
以客禮時屏人語或至夜分諸軍日牒愬稱得賊諜
者言祐為賊內應愬恐謗先達於帝已不及救乃持
祐泣曰豈天不欲平此賊耶何吾二人相知之深而
不能勝衆也械祐送京師先密奏曰若殺祐則無
以成功詔以還愬愬見之喜執其手曰爾之得全社
稷之靈也署散兵馬使令佩刀巡警出入帳中或與
同寢密語達曙有竊聽者但聞祐感泣聲

于文定曰淮西之役非李祐先達則李愬不得入
鄆州之役非劉悟反戈則田弘正不得入故克敵
者必有內主方得成功而御大眾者一失人心必
致內潰此得失之機也

丁酉十二年夏五月罷河北行營

六鎮討王承宗者既無統帥又相去遠期約難一歷
二年無功李逢吉及朝士多言宜併力先取淮西俟
淮西平恒冀如拾芥耳帝從之罷河北行營

秋七月以裴度兼彰義節度使克淮西宣慰招討使

諸軍討淮西四年不克饋運疲弊民至有以驢耕者
帝亦病之李逢吉等競言師老財竭意欲罷兵度獨
無言帝問之對曰臣請自往督戰誓不與此賊俱生

承宗勦敵
又之處置
故師老無
功

臣觀元濟勢寔窘感但諸將心不壹不併力迫之故未降耳若臣自詣行營諸將恐臣奪其功必爭進破賊矣帝悅從之先是諸道皆有中使監陳進退不由主將度悉奏去之諸將始得專其軍事戰多有功九月以崔羣同平章事

冬十月李愬夜襲蔡州擒吳元濟檻送京師

李祐言於愬曰蔡之精兵皆在洄曲守城者皆羸卒可以乘虛直抵其城比賊將聞之元濟已成擒矣愬然之遣掌書記鄭解白裴度度曰兵非出奇不勝常侍良圖也愬等夜至張柴村盡殺其戍卒及烽子命

士卒少休食乾糲整羈勒復夜引兵出時大風雪人馬凍死者相望人人自以為必死然畏愬莫敢言行七十里至州城自吳少誠拒命官軍不至蔡州城下三十餘年故蔡人不為備四鼓愬至城下無一人知者祐鑿其城先登壯士從之雞鳴入居元濟外宅或告元濟曰官軍至矣元濟不信起聽於庭聞愬軍號令乃帥左右登牙城拒戰牙城卽內城也愬攻之燒其南門城壞遂執元濟檻送京師斬之諸鎮兵相繼來降愬不戮一人屯於鞠場以待度度入城愬具橐鞬出迎拜於道左度將避之愬曰蔡人不識上下之分願公

李愬沉勇
仁義之將

綱鑑要編 卷十七
因而示之使知朝廷之尊度乃受之度以蔡卒爲牙
兵或諫曰蔡人反側不可不備度笑曰吾爲彰義節
度使元惡旣擒蔡人則吾人也又何疑焉蔡人聞之
感泣

于文定曰杜黃裳奏遣高崇文卽請無置監軍裴
度一至行營卽奏罷諸道監軍以兵屬將故有成
功若鄴城之圍以魚朝恩監軍成德之討以吐突
承璀爲制武夫力而鬪于原中使頓而掣于羣欲
其不敗又可得百置監軍而敗不置而勝論唐事
者此可以觀矣

十一月賜李愬爵涼國公○以李祐爲神武將軍

十二月賜裴度爵晉國公復入知政事

戊戌十三年春正月李師道奉表納質竝獻三州

三月修麟德殿浚龍首池起承暉殿裴度諫不聽土木寢興矣

夏四月王承宗納質請吏復獻二州詔復其官爵

裴度之在淮西也布衣栢耆以策干韓愈曰吳元濟
旣擒王承宗破膽矣願得奉丞相書往說之可不煩
兵而服愈白度爲書遣之承宗懼請以二子爲質及
獻德棣二州輸租稅請官吏帝許之

秋七月詔諸道發兵討李師道

師道表言軍情不聽
納質割地帝怒討之

八月以皇甫鏞程异同平章事

時淮西既平帝寢驕侈判度支皇甫鏞鹽鐵使程异
曉其意數進羨餘又以厚賂結吐突承璀帝遂以為
宰相制下朝野駭愕至於市道負販者亦嗤之裴度
恥與小人同列表求自退不許乃上疏曰鏞异皆錢
穀俗吏佞巧小人陛下一旦寘之相位中外駭笑所
可惜者淮西盪定河北底寧承宗歛手削地韓弘與
疾討賊豈朝廷之力能制其命哉直以處置得宜能
服其心爾陛下建昇平之業十已八九何忍還自隳
壞使四方解體乎帝以度為劾黨不之省帝嘗語宰

程异不敢
知却秉筆

相曰人臣當力為善何乃好立朋黨度曰方以類聚
物以羣分君子為徒謂之同德小人為徒謂之朋黨
外雖相似內實懸殊在聖主辨其邪正耳

冬十一月以柳泌為台州刺史

帝晚好神仙宗正卿李道古因皇甫鏞薦山人柳泌
能合長生藥泌言天台多靈草誠得為彼長吏庶幾
可求帝以泌權知台州刺史諫官爭論以為人主喜
方士未有使之臨民者帝曰煩一州之力而能為人
主致長生臣子亦何愛焉由是羣臣莫敢言

泌采藥
無所得

逃入山中浙東觀察使捕送京師皇甫鏞李道古保
護之復使待詔翰林服其藥及穆宗立乃誅泌貶鏞

為崖州司戶道
古為循州司馬

十二月田弘正將兵渡河逼鄆州

討李師道也

十四年春正月遣中使迎佛骨至京師貶韓愈為潮

州刺史

帝遣使迎佛骨至京師留禁中三日歷送諸寺刑部

侍郎韓愈上表諫曰佛者夷狄之一法耳自黃帝以

至禹湯文武皆享壽考當時未有佛也漢明帝時始

有佛法其後亂亡相繼運祚不長惟梁武帝在位四

十八年前後三捨身為寺家奴竟為侯景所逼餓死

臺賊事佛求福乃更得禍佛不足信亦可知矣况其

身○灰○已○久○枯○朽○之○骨○豈○宜○以○入○宮○禁○乞○付○有○司○投○諸

水○火○永○絕○根○本○佛○如○有○靈○能○作○禍○福○凡○有○災○咎○宜○加

臣○身○帝○怒○貶○為○潮○州○刺○史

二月平盧都將劉悟執李師道斬之

師道聞官軍侵逼發民治鄆州城塹役及婦人民懼

且怨都知兵馬使劉悟將兵屯陽穀以拒官軍務為

寬○惠○軍○中○號○曰○劉○父○或○謂○師○道○曰○悟○專○收○衆○心○恐○有

他○志○師○道○潛○遣○二○使○齋○貼○授○行○營○副○使○張○暹○令○斬○悟

暹○素○與○悟○善○懷○貼○示○之○悟○召○諸○將○謂○曰○悟○與○公○等○不

顧○歿○亡○以○抗○官○軍○誠○無○負○于○司○空○今○司○空○信○讒○來○取

斬師道父
子
智
入主不肯
見臣乎

悟首悟歿諸公其次矣且天子所欲誅者獨司空一人今軍勢日威吾曹何為隨之族滅欲與諸公還入鄆州奉行天子之命豈徒免危亡富貴可圖也有後應者皆立斬之衆懼皆曰惟都頭命乃令士卒夜半街枚至城下城中誼譁動地子城門已洞開牙中兵不滿數百皆投弓矢於地悟捕師道斬之函首送弘正營弘正大喜露布以聞淄青悉平帝以悟為義成節度使自廣德以來垂六十年藩鎮跋扈河南北三十餘年自除官吏不供貢賦至是盡遵朝廷約束裴度纂述蔡鄆用兵以來帝之憂勤機畧獻之請付史館帝曰如此似出朕意非所欲也弗許

胡寅曰纂述主德請付史館度所謂循常人之事而寓忠智之意者也蔡鄆用兵度實任之功名之際人臣所難處歸美於上度之慮遠矣又載用兵以來帝心憂勤憲宗憶取之難必思守之不易文類將順寔有匡救也

挽極重之勢

夏四月詔諸道支郡兵馬並令刺史領之橫海節度使烏重胤奏河朔藩鎮所以能旅拒朝命者由州縣各置鎮將領事收刺史縣令之權也臣所領德棣景三州已舉謀各還刺史職事應在州兵並

令刺史領之故有是詔其後河北諸鎮惟橫海最為順命

裴度罷為河東節度使

皇甫鎛之黨陰擠之也

秋七月左右軍中尉各獻錢萬緡

自淮西用兵以來度支鹽鐵使及四方爭進奉謂之助軍賊平又進賀禮助賞上加又進賀禮

冬十月崔羣罷為湖南觀察使

帝問宰相玄宗之政先理而後亂何也崔羣對曰玄宗用姚崇宋璟盧懷慎蘓頌韓休張九齡則理用宇文融李林甫楊國忠則亂故用人得失所繫非輕人

皆以天寶十四年安祿山反為亂之始臣獨以開元

二十四年罷張九齡相專任李林甫此理亂之所分

也願陛下以開元初為法以天寶末為戒乃社稷無

疆之福皇甫鎛淡恨之數譖於帝遂罷

謂孝德二字

庚子十五年春正月帝暴崩於中和殿閏月太子即位

帝服金丹多躁怒人人自危至是帝暴崩時人皆言內常侍陳弘志弒逆其黨諱之但云藥發外人莫能明也

二月以柳公權為翰林侍書學士

帝見公權書跡愛之問之曰卿書何能如是之善對

日用筆在心心正則筆正帝默然改容知其以筆諫也

冬十月成德節度使王承宗卒詔以田弘正代之王承元為義成節度使

承宗卒其下立承宗弟承元承元曰諸公未忘先德不以承元年少使攝軍務請盡節天子以遵忠烈王之志眾許諾承元乃視事表請除帥詔以田弘正為成德帥承元移鎮滑州將士誼譁不受命承元出家財散之謂曰諸公之意甚厚然使承元違天子之詔其罪大矣昔李師道之未敗也朝廷嘗赦其罪師道欲行諸將固留之其後殺師道者亦諸將也諸將勿使承元為師道則幸矣大將李寂等固留承元承元斬以徇軍中乃定

穆宗皇帝

名恒憲宗太子在位四年

辛丑長慶元年夏四月貶錢徽李宗閔為遠州刺史楊汝士為開江令

翰林學士李德裕吉甫之子也以中書舍人李宗閔嘗對策譏切其父恨之宗閔又與翰林學士元楨爭進取有隙右補闕楊汝士禮部侍郎錢徽掌貢舉西川節度使段文昌翰林學士李紳各以書屬所善進

文昌不終

吉甫父子
皆以考試
備人

古人之心

雖四十年
朋黨而諸
巨頭能任
事故唐社
不亡

士及榜出二人所屬皆不預而鄭覃弟朗裴度子譔
宗閔壻蘓巢汝士弟殷士及第文昌言於帝曰今歲
禮部所取皆以關節得之帝問諸學士德裕積紳皆
以為然帝乃命覆試黜朗等十人而貶徽等或勸徽
奏二人屬書帝必寤徽曰苟無愧心得喪一致奈何
奏人私書取而焚之自是德裕宗閔各分朋黨更相
傾軋垂四十年

范祖禹曰昔漢之黨錮始於甘陵二部相譏而成
於太學諸生相譽唐之朋黨始於牛僧儒李宗閔
對策而成於錢徽之貶皆由主德不明君子小人
雜進於朝不分邪正忠讒以黜陟之聽其所相傾

軋以養成之也漢之黨尚風節故政亂於上而俗
清於下及其亡也人猶畏義而有不為唐之黨趨
勢利勢窮利盡而止故其衰季士無操行不足稱
也

秋七月盧龍軍亂囚節度使張弘靖推朱克融為留後
先是盧龍節度使劉總見河南北皆從化請乞棄官
為僧詔從之總舉河東節度使張弘靖自代又擇麾
下宿將有功難制者朱克融等送京師乞加獎拔
孫 酒之時帝方酣宴克融輩久羈京師至假旬衣食日

庸和誤國

吾亂

詣中書求官不之省尋勒歸本軍克融輩皆憤怨弘靖驕貴自尊政事多委之幕僚韋雍輩又皆年少輕薄嗜酒豪縱裁刻軍士糧賜數以反虜詬之由是軍中人人怨怒至是軍士作亂囚弘靖殺雍等迎克融為留後

于文定曰幽州之亂宰相崔植等激之也鎮州之亂度支崔稜激之也以搦管之見而操縱兵機挈瓶之守而劑量大計何國家之不幸而遇若人哉成德兵馬使王庭湊殺節度使田弘正起復田布為魏博節度使討之

僭義定亂

王庭湊殺田弘正庭湊武自稱留後魏博節度使李俊養子

愬聞變素服流涕令將士曰魏人所以得通聖化安寧富樂者田公之力也今鎮人輒敢殺之是輕魏以為無人也諸君受田公恩宜如何報之眾皆慟哭深州刺史牛元翼成德良將也愬使以寶劍玉帶遺之曰吾先人以此劍立大勲吾又以之平蔡州今以授公努力翦王庭湊元翼報曰願盡死會愬疾作不果出兵乃起復田布為魏博節度使討之

布弘正子

詔諸道討王庭湊以牛元翼為深冀節度使

冬十月以裴度為鎮州行營都招討使

庸相在位度其危疑

綱鑑要編

卷十二 穆宗

四十四

以魏弘簡為弓箭庫使元積為工部侍郎

翰林學士元積與知樞密魏弘簡淡相結求為宰相

積恐裴度有功大用妨已進取故度所奏軍事多與

弘簡從中沮之度上表曰陛下欲掃蕩幽鎮先宜肅

清朝庭河朔逆賊祗亂山東禁闡姦臣必亂天下是

河朔患小禁闡患大臣蒙陛下委付之意不輕遭姦

臣抑損之事不少若姦臣盡去則河朔不討自平表

三上帝罷弘簡樞密解積翰林而恩遇如故

十二月以朱克融為平盧節度使

幽鎮用兵久無功府藏空竭執政以王庭湊殺田弘

正而克融因張弘靖罪有輕重請赦克融專討庭湊

帝從之克融既得旌節乃出張弘靖等

二年春正月魏博將史憲誠殺其節度使田布詔以

憲誠為節度使憲誠雖外奉朝廷然內實與幽鎮連結

二月以王庭湊為成德節度使遣兵部侍郎韓愈宣慰

其軍

庭湊圍牛元翼於深州官軍以乏糧不能進朝廷不

得已以庭湊為成德節度使而遣韓愈宣慰愈至鎮

庭湊以兵威恐之愈厲聲責庭湊復謂軍士曰自安

史以來子孫無存而田令公以地歸朝廷孩提皆為

其實任叔

少牛李之

覺禍小元

積通大關

以捷相將

其罪大

積一殿十

五年遂喪

生平是以

紗情情深

者不可與

集

賄

不用白居易

易之疏

廟堂處置

大誤

元白相知如此大事
白公何不規正甚矣
詩文之交之鄙也

美官汝曹亦聞之乎庭湊恐眾心動麾之使出謂愈曰侍郎來欲何為愈曰神策諸將如元翼者不少但朝廷顧大體不可棄之耳何為圍之不置庭湊曰即當出之因與愈宴禮而歸之未幾元翼突圍出尹起莘曰韓愈宣慰之行殆與真卿無異而詰責庭湊之辭簡嚴切直至今凜凜猶有生氣其忠梗大節如此而世或以文士視之則非矣

以元稹同平章事○以裴度為司空東都留守

元稹怨度欲解其兵柄故勸帝罷兵以度為東都留守諫官爭言度有將相全才不宜置之散地帝乃命

度入朝詔留輔政

三月詔留裴度輔政

夏六月裴度罷為右僕射元稹罷為同州刺史有告稹結客刺

度皆罷之

以李逢吉同平章事

冬十二月立景王湛為皇太子

癸卯三年春三月以牛僧孺同平章事

僧孺之相由于特達

時僧孺與李德裕皆有入相之望德裕出為浙西觀察使八年不遷以為李逢吉排已而引僧孺田是牛李之怨愈淡

于文定曰奇章入相實固不納韓弘師千萬穆宗
視閱其簿而知之此一段乃其實事李黨不能沒
也

夏四月以鄭權為嶺南節度使

翼城人鄭注以醫遊四方李愬餌注藥頗驗署為牙

推官名也浸預軍政監軍王守澄請去之愬曰注奇才

也將軍試與之語苟無可取去之未晚乃使注見守

澄守澄見之坐語未久大喜促膝恨相見之晚守澄

人知樞密薦注于帝帝亦厚遇之工部尚書鄭權因

注通于守澄以求節鎮遂得嶺南

五月以柳公綽為山南東道節度使

公綽過鄧縣有二吏一犯賊一舞文眾謂公綽必殺

犯賊者公綽判曰賊吏犯法法在奸吏亂法法亡竟

誅舞文者

六月以韓愈為京兆尹

愈為京兆六軍不敢犯法私相謂曰是尚欲燒佛骨

何可犯也

贊曰愈以六經之文為諸儒倡粹然一出於正其

道自比孟軻以荀况楊雄為未醇至進諫陳謀排

難恤孤皇皇於仁義可謂篤道君子矣自晉迄隋

禍胎

方言注訓
之奸惟德

裕而二李
皆引以為

用

執法

佛老顯行聖道不斷如帶愈獨喟然引聖爭四海之惑昔孟軻距楊墨去孔子纔二百年愈排二家乃去千餘歲撥衰反正功與齊而力倍之過况雄為不少矣自愈沒其言大行學者仰之如泰山北斗云

文藝傳曰唐之文章無慮三變高祖太宗絺草繪句故王楊為之伯玄宗崇雅黜浮則燕許擅其宗大曆正元間美才輩出嘯嘯道真涵泳聖涯於是韓愈唱之柳宗元皇甫湜李翱等和之排逐百家法度森嚴唐之文宛然為一王法此其極也

秋八月以裴度為司空山南西道節度使李逢吉惡出之

甲辰四年春正月帝崩太子即位

三月以劉栖楚為起居舍人不拜

逢吉欲借

栖楚以謝

中外而栖

楚天陰特

逢吉故能

六子

謂有所求請先賂關子後達逢吉也

時栖楚為左拾遺帝視朝栖

楚進言曰陛下嗣位之初當宵衣求理

宵夜也未明而求衣也

而嗜寢樂色日晏方起令聞未彰惡聲遐布請碎首玉階以謝諫職之曠遂以額叩龍墀見血不已帝命中使宣諭令歸尋擢起居舍人栖楚辭疾不拜

于文定曰栖楚與王承宗爭事爲諫官碎首玉階
直節士矣乃名在八關中蓋直言極諫之士多有
恃權臣而發者如谷永之直是已逢吉之黨恃
賣直不足貴也

夏六月加裴度同平章事

翰林學士韋處厚言裴度勲高中夏聲播外夷陛下
當食嘆息恨無蕭曹今有一裴度尚不能留此馮唐
所以謂漢文得廉頗李牧不能用也帝見度奏狀無
同平章事以問處厚處厚具言逢吉排沮之狀乃加
度同平章事

垂感張韶
極玄明之
亂而嘆空
相非才

夏綏節度使李祐進馬百五十匹却之

持御史溫造彈祐違勅進奉請論如法詔釋之祐謂
人曰吾夜半入蔡州城取吳元濟未嘗心動今日膽
落於溫御史矣

敬宗皇帝

名湛穆宗太
子在位二年

寶曆元年春正月牛僧孺罷爲武昌節度使

僧孺以帝荒淫嬖倖用事畏罪不敢言累表求出乃
罷之過襄陽節度使柳公綽服橐鞬候於館舍將佐

曰襄陽地望高於夏口此禮太過公綽曰奇章公

僧孺

敬宗時封奇章郡公甫離台席方鎮重宰相所以尊朝廷也竟

僧孺爲人
於此可見

是

行之

二月浙西觀察使李德裕獻丹宸六箴

帝遊幸無常昵比羣小視朝月不再三大臣罕得進

見德裕獻丹宸六箴

宸狀如屏風以絳為質故曰丹宸箴諫誨之辭

一曰宵

衣以諷視朝稀晚二曰正服以諷服御乖異三曰罷

獻以諷徵求玩好四曰納誨以諷侮棄讜言五曰辨

邪以諷信任羣小六曰防微以諷輕出遊幸帝優詔

答之

丙午二年春二月以裴度為司空同平章事

言事者多稱裴度賢不宜棄之藩鎮帝數遣使勞問

度因求入朝逢吉之黨百計毀之先是民謠緋衣小

兒坦其腹天上有口被驅逐

緋衣裴字也腹肚也音近度故寓度字天上

吳字謂元濟被度擒也

又長安城中有橫亘六岡如乾象度宅

偶居第五岡張權輿上言度名應圖識宅占岡原不

召而來其旨可見帝察其誣謗待度益厚度在中書

左右忽白失印聞者失色度飲酒自如頃復白得之

應亦不應或問其故度曰此必吏人盜之以印書券

耳急之則投諸水火緩之則復還故處人服其識量

三月罷修東都

帝欲幸東都諫皆不聽已使按修宮闕裴度從容言

權輿不終

曰國家本設兩都以備遊幸。然自多難以來宮闕荒弛。陛下儻欲行幸。宜命有司徐加完葺。然後可往。帝曰從來言事者皆云不當往。如卿所言不往亦可。會幽鎮皆請以兵匠助修東都。乃勅罷之。先是朝廷遣中使賜朱克融時服。克融以為疎惡。執留勅使。又奏欲以兵匠助修宮闕。帝患之。以問宰相。欲遣使臣宣慰。仍索勅使。裴度對曰。克融無禮已甚。殆將斃矣。譬如猛獸自於山林中咆哮跳踉。久當自困。必不敢輒離巢穴。願陛下勿遣宣慰。亦勿索勅使。帝悅從之。

于文定曰逢吉之救崔發裴度之止幸東都二事可為大臣告君之法大臣之諫與言官不同言官

之体主于力爭而不虞事之成否大臣之體期于必從而不可計言之直巽孔子論諫曰吾得諷焉此大臣之義也

夏五月幽州軍亂殺節度使朱克融而立其子秋八月

都將李載義殺之

遂以載義為盧龍節度使

冬十一月李逢吉罷

十二月宦官劉克明等弒帝於室內立絳王悟王守澄等討克明殺悟立江王涵

以韋處厚同平章事

國有大變以韋裴二

唐宦官弒君之始

八少定

出宮人放鷹犬省冗食罷別貯宣索

帝自為諸王時深知兩朝之弊及即位勵精求治去奢從儉每奇日視朝對宰相羣臣延訪政事中外翕然相賀以為太平可冀

文宗皇帝

名涵穆宗第三子 在位十三年

丁未 太和元年夏四月以高瑀為忠武節度使

自大曆以來節度使多出禁軍大將皆以倍稱之息貸錢以賂中尉動踰億萬然後得之至鎮則重歛以償所負至是裴度韋處厚始奏用瑀中外相賀曰自今債帥鮮矣

亦未必

戊申 二年春三月親策制舉人

自元和末宦官益橫建置天子在其掌握威權出人主之右人莫敢言賢良方正昌平劉蕡對策極言其禍考官馮宿等見蕡策皆歎服而畏宦官不敢取詔下物論囂然稱屈李邵曰劉蕡下第我輩登科能無厚顏乃上疏以為蕡所對策漢魏以來無與為比今有司以蕡指切左右不敢以聞臣所對不及蕡遠甚乞回臣所授以旌蕡直不報蕡由是不得仕於朝終於使府御史

巳酉 三年夏六月魏州軍亂殺其節度使史憲誠推何進

綱鑑要編

卷一七 文宗

五十二

滔知畱後以拒命秋八月以進滔為魏博節度使以李宗閔同平章事

李不斷

徵李德裕為兵部侍郎裴度薦以為相會宗閔有宦官之助遂以宗閔同平章事宗閔惡德裕逼已出之

滑州

庚戌四年春正月以牛僧孺同平章事

薦未嘗不
是相與此
李則非

李宗閔引僧孺為相相與排擯李德裕之黨

秋七月以宋申錫同平章事

帝患宦官彊盛元和寶曆逆黨猶在而中尉王守澄尤專橫嘗密與申錫言之申錫請漸除其偏帝以申

錫沈厚忠謹可倚以事擢為宰相

九月以裴度為山南東道節度使

李宗閔怨裴薦李德裕因其謝病曰之

冬十月以李德裕為西川節度使

蜀自南詔入寇一方殘弊德裕至鎮作籌邊樓圖蜀

地形南入南詔西達吐蕃日召習邊事者訪以險要

未踰月皆若身嘗涉歷乃練士卒葺保郭積糧儲以

備邊蜀人粗安

辛亥五年春正月盧龍將楊志誠逐其節度使李載義二

月以志誠為畱後

三月貶漳王奏為巢縣公宋申錫為開州司馬

得六

可為守邊
法

以謀立誣
宋申錫落
計也

續續

帝與申錫謀誅宦官申錫引吏部侍郎王璠為京兆
尹以密旨諭之璠泄其謀鄭注王守澄知之誣告申
錫謀立漳王奏帝命捕所告品官晏敬則等於禁中
鞠之皆自誣服獄成左常侍崔玄亮等請以獄事付
外覆按帝曰吾已與大臣議之矣玄亮叩頭流涕曰
殺一匹夫猶不可不重慎况宰相乎帝意稍解復召
宰相入議牛僧孺曰人臣不過宰相申錫意欲何求
且申錫殆不至此注恐覆按詐覺乃勸守澄請止行
貶黜坐死徒者數十百人申錫竟卒貶所

于文定曰王璠泄申錫之謀及甘露之變璠亦被
收其兄涯謂之曰五弟昔為京兆不漏言于守澄
豈有今日所謂君臣一密者矣

秋九月吐蕃將悉怛謀以維州來降不受

吐蕃維州副使悉怛謀請降盡帥其衆奔成都李德
裕遣兵據其城具奏其狀事下尚書省集百官議皆
請如德裕策牛僧孺曰比來修好約罷戍卒中國禦
戎守信為上彼若來責失信怒氣直辭不三日至咸
陽橋此時西南數千里外得百維州何所用之帝以
為然詔德裕以其城及悉怛謀等悉歸吐蕃吐蕃誅
之境上德裕由是怨僧孺益深

尹起莘曰維州唐之故壤吐蕃盜而有之唐人失祖宗之境土陷衣冠於左衽此固子孫之恥幸而德裕展布方畧悉怛謀率眾來歸固非其他從事絕域招降納叛之比胡乃拒而不納萬一河湟故土盡復版圖亦將卻而絕之乎故書曰來降者順詞也曰不受者逆詞也此固綱目書法之意而牛李是非之分也

壬子六年冬十月立魯王永為皇太子

十二月牛僧孺罷為淮南節度使

王踐言

西川監軍王踐言入知樞密數為帝言縛送悉怛謀

絕後來降者非計帝尤僧孺失策僧孺內不自安會帝謂宰相曰天下何時當太平卿等亦有意於此乎僧孺對曰太平無象今四夷不至交侵百姓不至流散雖非至理亦謂小康退謂同列曰主上責望如此吾曹豈得久居此地乎因累表請罷乃出鎮淮南

癸丑七年春二月以李德裕同平章事

德裕入謝帝與之論朋黨事時給事中楊虞卿與從兄中書舍人汝士等善交結依附權要帝聞而惡之故與德裕言首及之德裕因得排其所不悅者他日帝復言及朋黨李宗閔曰臣素知之故虞卿輩臣皆

亦宜明說所排之人

不與美官德裕曰給舍非美官而何宗閔失色

夏六月李宗閔罷

秋七月以王涯同平章事兼度支鹽鐵轉運使涯相注有力焉

八月加盧龍節度使楊志誠右僕射

初以志誠為吏部尚書志誠怒不得僕射留官告使

朝廷不得已加志誠僕射別遣使慰諭之杜牧憤河

朔三鎮禁驚朝廷議者專事姑息乃作罪言謂不當位而言

實有罪也曰上策莫如先自治中策莫如取魏最下策為

浪戰又傷府兵廢壞作原十六衛原推原也曰貞觀中內

以十六衛蓄養戎臣外開折衝果毅府五百七十四

以備兵伍有事則戎臣提兵居外無事則放兵居內

其居內也三時耕稼一時治武籍藏將府伍散田畝

力解勢破人人自愛其居外也緣部之兵被檄乃來

斧鉞在前爵賞在後飄暴交梓豈暇異圖至開元末

愚儒請罷府兵武夫請搏四夷於是府兵內剷剷邊也

兵外作尾大中乾成燕偏重成德鎮燕盧龍鎮而天下掀然

根萌燼燃矣蓋兵居外則叛居內則篡使外不叛內

不篡其置府立衛乎

甲寅八年冬十月幽州軍亂逐節度使楊志誠推史元忠

主留後志誠伏誅尋以元忠為盧龍節度使

以李宗閔同平章事李德裕罷為山南西道節度使以
李仲言為翰林侍讀學士

初李仲言流象州遇赦還東都仲言與鄭注善注引
仲言見王守澄守澄薦於帝仲言頗工文詞有口辯
多權數帝見之大悅欲以為諫官寘之翰林德裕曰
不可帝曰然則別除一官對曰亦不可帝顧王涯涯
對曰可德裕揮手止之帝回顧適見不懌而罷仲言
及注皆惡德裕乃引宗閔以敵之帝遂相宗閔而出
德裕於興元以仲言為翰林侍讀仲言尋改名訓

于文定曰訓注之進也逐四相焉初忌李德裕故

進李宗閔而逐德裕德裕既出路隋救之又逐路

隋已以宗閔邊抑不得相又逐宗閔已注求鎮鳳

翔李固言不可又逐固言數月之間逐四相馬恃

守澄之勢也勢成形變遂殺守澄險哉

以李德裕為兵部尚書

德裕見帝請留京師故也

十一月成德節度使王庭奏卒子元逵自知留後

元逵改父

所為專朝廷甚謹尋以元逵為成德節度使

以李德裕為鎮海節度使

李宗閔言德裕制命已行不宜自便於是復以德裕

鎮浙西時德裕宗閔各有朋黨互相擠援帝患之每

硬上等子
賊可懼哉

嘆曰去河北賊易去朝中朋黨難

尋貶德裕為
袁州長史

于文定曰河北之賊所傷在枝幹朝廷之黨所傷
在腹心夫河北之賊所資者兵馬錢穀難辦而易
籌去朝廷之黨所仗者紀綱法度易知而難行也

乙卯

九年夏四月以賈餗同平章事

餗與李德裕有隙而
善宗閔鄭注故帝用

之

五月以仇士良為神策中尉

初宋申錫獲罪宦官益橫帝內不能堪李訓鄭注揣
知帝意數以微言動帝帝意其可與謀大事密以誠
告之訓注遂以誅宦官為已任帝之立也仇士良有

功王守澄抑之由是有隙訓注為上謀進擢士良以

分守澄之權

李訓初
名仲言

六月貶李宗閔為明州刺史

鄭注毀宗
閔貶之

秋七月宦官陳弘志伏誅

憲宗之崩人皆言弘志所為時弘志為興元監軍李
訓為帝謀召之至青泥驛封杖殺之

以鄭注為鳳翔節度使

李訓雖因注得進及勢位俱盛心頗忌注託以中外
協勢以誅宦官故出注於鳳翔其實俟既誅宦官并
圖注也

元輿掃地

以舒元輿李訓同平章事

元輿為中丞凡訓注所惡者則為之彈擊由是得為相訓起流人期年致位宰相帝傾意任之天下事皆決於訓

冬十月殺王守澄

訓注請除守澄遣中使就第賜酖殺之

加裴度兼中書令

李訓所獎拔率皆狂險之士然亦時取天下重望以順人心如裴度令狐楚鄭覃皆累朝耆俊久在散地訓皆引居崇秩由是士大夫亦有望其兵能致太平者識者見其橫甚知將敗矣

于文定曰小人之陽用君子以塞天下之口而陰用小人以執天下之權其謀出狡情亦易見矣奈何以太平望之

十一月李訓舒元輿鄭注等謀誅宦官不克以鄭覃李石同平章事仇士良殺訓注元輿及王涯賈餗等

始鄭注與李訓謀至鎮選壯士為親兵奏請入護王守澄葬仍請令內臣盡集送之因令親兵殺之訓與其黨謀曰如此事成則注專有其功不若先期誅宦者已而并注去之宰相惟舒元輿與其謀他人莫知也是日帝御紫宸殿金吾大將軍韓約奏稱左金吾

注出入北軍可以上意說諸將何浪浪戰如此

廳事後石榴夜有甘露帝先命宰相視之訓還奏非
真帝顧仇士良帥諸宦者往視之士良等至風吹幕
起執兵者甚衆士良等驚詣帝告變訓呼金吾衛士
上殿衛乘輿宦者卽舉軟輿迎帝決殿後累患疾趨
北出金吾兵登殿縱擊宦官死傷者十餘人士良等
命左右神策兵出討賊殺金吾吏卒千餘人諸司吏
卒及民酤販在中者皆死因誣王涯賈餗舒元興等
謀反皆收繫斬之乃以鄭覃李石同平章事訓走爲
人所殺數日之間殺生除拜皆決於中尉帝不豫知
也注將兵至扶風知訓已敗復還鳳翔監軍斬之自

六百餘人
又千餘人

是天下事皆決於北司宰相行文書而已每延英議
事士良等動引訓注折宰相鄭覃李石曰訓注誠爲
亂首但不知訓注始因何人得進宦者稍屈縉紳賴
之

于文定曰天下有二事着手不得以外庭攻宦官
其勢不入必有入之者而后可行群捕黃羊必用
夜猴以中國攻夷狄其勢不出必有出之者而后
可行群逐狡兔必用韓盧故能誅宦官者必用其
黨能攻夷狄者必用其隣申錫與胤智不及此况
訓注之姦乎

十二月召六道巡邊使還京師

初王守澄惡宦者田全操等六人李訓鄭注因遣分詣巡邊詔六道使殺之會訓敗召還京師全操追忿訓注之謀揚言入城凡儒服者盡殺之乘驛疾趨而入京城訛言寇至民驚走諸司奔散鄭覃李石在中書覃謂石曰耳目頗異宰出避之石曰宰相位尊望重人心所屬石宰相亦走則中外亂矣且果有禍亂避亦不免覃然之石坐視文案沛然自若至曠乃定以薛元賞為京兆尹

時禁軍暴橫京兆尹張仲方不敢詰以元賞代之元

賞嘗謂李石第聞石方坐聽事與一人爭辯甚諷元

李石定亂

危疑之際

有鄭李為

相元賞為

京兆朝廷

始尊距甘

露變僅一

月耳北司

炎炎一京

北正論大

堪吐氣

賞使覘之云有神策軍將訴事元賞趨入責石曰相公紀綱四海不能制一軍將使無禮如此何以鎮服四夷即命左右擒出仇士良召之元賞曰屬有公事行當至矣乃杖殺之而白服以見士良曰中尉宰相皆大臣也宰相之人若無禮於中尉如之何中尉之人無禮於宰相庸可恕乎中尉與國同體為國惜法元賞囚服而來惟中尉死生之士良無可如何乃呼酒與元賞歡飲而罷

丙辰開成元年春二月加劉從諫檢校司徒

綱鑑要編

卷十七

文宗

六十一

昭義節度使劉從諫上表請王涯等罪名且言涯等
荷國榮寵安肯構逆。訥等實欲討除內臣。兩中尉遂
誣以反逆。若其實有異圖。亦當委之有司。正其刑典。
豈有內臣自領甲兵。恣行剽劫。延及士庶。橫被殺傷。
臣謹當修飭封疆。訓練士卒。如姦臣難制。誓以死清
君側。士良等懼乃加從諫檢校司徒。從諫復表讓。因
暴揚仇士良等罪惡。士良等憚之。由是鄭覃李石粗
能秉政。天子倚之。亦差以自彊。

秋七月以魏謩為補闕

甘露之變御史中丞李孝本為仇士良所殺二女配
沒右軍帝取之入宮拾遺魏謩上疏曰竊聞數月以
來教坊選試以百數莊宅收市猶未已又召李孝本
女不避宗姓大興物論臣竊惜之帝即出之擢謩為
補闕謂曰朕選市女子以賜諸王耳憐孝本女孤露
故牧養宮中暮於疑似之間皆能盡言可謂愛言不
忝厥祖矣謩徵之五世孫命中書優為制辭以賞之後為起
居舍人帝就取記注觀之謩日記注兼書善惡所以
儆戒人君陛下當力為善不必觀史帝曰朕曷嘗觀
之對曰此曩日史官之罪也若陛下自觀史則史官
必有所諱避何以取信於後帝乃止又嘗命謩獻其

祖文貞公笏徵謚文貞鄭覃曰在人不在笏帝曰亦甘棠之比也

丁巳二年夏四月以柳公權為諫議大夫

帝對中書舍人柳公權等於便殿舉衫袖示之曰此衣已三澣矣衆皆美帝之儉德公權獨無言帝問其故對曰陛下貴為天子富有四海當進賢退不肖納諫諍明賞罰乃可以致雍熙服澣濯之衣乃末節耳帝曰朕知舍人不應復為諫議以卿有諍臣風采須屈卿為之故有是命

戊午三年春正月以楊嗣復李垓同平章事李石罷為荆

南節度使

李國言與嗣復李垓善故引居大政以排鄭覃

自甘露之變宦官恣橫李石忘身徇國故紀綱粗立仇士良潛遣盜殺之不果石懼辭位從之

冬十月太子承卒

初太子承之母王德妃無寵為楊賢妃所譖而承太子頗好遊宴昵近小人賢妃日夜毀之帝召宰相及兩省御史郎官議廢之皆言太子年少容有改過國本至重豈可輕動中丞狄兼謩論之尤切至於涕泣翰林及六軍使數十人復表論之帝意稍解至是暴薨

妄儲

夫人如此事猶可為

未巳四年春三月司徒中書令晉文忠公裴度卒

度鎮河東以疾求歸東都詔入知政事至京師不能入見勞賜旁午至是卒帝怪度無遺表問其家得半藁以儲嗣未定為憂言不及私度身貌不踰中人而威望遠達四夷四夷見唐使輒問度老少用舍以身繫國家輕重如郭子儀者二十餘年

冬十月立陳王成美為皇太子

成美敬宗少子

帝嘗坐思政殿問學士周墀曰朕可方前代何主對曰陛下堯舜之主也帝曰朕豈敢比堯舜所以問卿者何如周赧漢獻耳墀驚曰彼亡國之主豈可比聖

德帝曰赧獻受制於疆諸侯今朕受制於家奴以此言之朕殆不如因泣下霑襟自是不復視朝

于文定曰文宗守成令主也裴韋相之于始鄭李相之午終使法紀粗張舉措不紊太平或可幾乃王守澄仇士良專權于中李牛喧爭于外朋黨成而國亡兆矣其對周墀之言良可悲夫

庚申五年春正月立潁王灑為皇太弟廢太子成美為陳

王時帝疾甚仇士良魚弘志以太子立不由已矯詔廢之而立灑

帝崩太弟灑殺陳王成美遂即位

秋九月以李德裕同平章事

事不由閣部更無着手處矣

初帝之立非宰相意故楊嗣復李珣相繼罷去召德裕相之德裕入謝言於帝曰致理之要在辨羣臣之邪正正人如松栢特立不倚邪人如藤蘿非附他物不能自起故正人一心事君邪人競為朋黨先帝深知朋黨之患然所用卒皆朋黨之人良由執心不定故姦邪得乘間而入也陛下誠能慎擇賢才以為宰相有姦罔者立黜去之天下何憂不理哉帝嘉納之

冬十月魏博節度使何進滔卒子重順知留後尋為魏博節度

使賜名弘敬

十一月以李中敏為婺州刺史

內謁者監仇士良請以開府蔭其子給事中李中敏判云開府階誠宜蔭子謁者監何由有兒士良慙恚李德裕亦以中敏為楊嗣復之黨惡之出為刺史胡寅曰李中敏判語近戲深得事實仇士良雖恚終無如之何留之朝廷豈不為南牙之助李德裕乃黨逐之其失大矣

武宗皇帝名炎穆宗第五子在位六年

辛酉 會昌元年夏六月詔羣臣言事毋得乞留中

詔臣下言人罪惡竝應請付御史臺按問毋得乞留中以杜讒邪後帝復謂宰相曰文宗好聽外議諫官

言事多不著名有如匿名書李德裕曰此乃李訓鄭注教文宗以術御下遂成此風人主但當推誠任人有欺罔者威以明刑孰敢哉帝善之

秋九月盧龍軍亂冬十月雄武軍使張仲武討平之詔以仲武知留後

初盧龍軍亂殺節度使史元忠推牙將陳行泰主留務表求節鉞李德裕曰河北事勢臣所熟諳比來朝廷遣使太速故軍情遂固若置之數月不問必自生變今請勿遣使以觀之既而軍中果殺行泰立張絳復求節鉞朝廷亦不問雄武軍使張仲武起兵擊絳

且遣軍吏吳仲舒奏表以聞詔宰相問狀仲舒言行泰絳皆遊客故人心不附仲武幽州舊將性忠義通書習事人心向之計今軍中已逐絳矣德裕奏行泰絳皆使大將上表脅朝廷邀節鉞故不可與今仲武表請討亂與之有名乃以仲武知盧龍留後仲武尋克幽州遂以爲盧龍節度使

壬戌二年春二月以柳公權爲太子詹事

散騎常侍柳公權素與李德裕善同平章事崔瑛奏爲集賢學士德裕以恩非已出因事左遷之

秋八月回鶻入寇詔諸道出兵禦之

知人任人

以白敏中爲翰林學士

帝聞白居易名欲相之以問李德裕德裕素惡居易乃言居易衰病不任朝謁其從弟敏中辭學不減居易且有器識故有是命
于文定曰宰相用人但着一毫私意卽桃李化爲荆棘不如秉公進賢退奸爲社稷之利雖未必有利亦不反受其害也使居易得進必不附和權臣亦不操戈入室爲德裕者不尚可全耶

癸亥 三年春三月贈悉怛謀右衛將軍

李德裕追論維州悉怛謀事云維州據高山絕頂三

面臨江在戎虜平州之衝是漢地入兵之路自爲吐蕃所陷號曰無憂城從此憑陵近甸盱食累朝臣初到西蜀外揚國威中緝邊備維州熟臣信令空壁來歸南蠻震懾山西八國皆願內屬可滅八處鎮兵坐收千餘里舊地當時不與臣者指僧孺望風疾臣詔執送悉怛謀等令彼自戮蕃帥卽以此人戮於境上絕忠欸之路快克虐之情從古以來未有此事乞追獎忠寬各加褒贈故有是命

司馬光曰唐新與吐蕃修好而納其維州以利言之則維州小而信大以害言之則維州緩而關中

溫公之斷不是

急德裕所言者利也。僧孺所言者義也。匹夫狗利而忘義人，猶耻之。况天子乎？牛李之是非可見矣。胡寅曰：司馬光之言過矣。維州本唐地，為吐蕃所侵，乃欲守區區之信，舉險要而棄之，可乎？故以維州歸吐蕃，棄祖宗土宇，縛送悉怛謀，沮歸附之心。僧孺以小信妨大計也。下維州遣兵據之，洗數十年之恥，追獎悉怛謀，贈以官秩，德裕以大義謀國事也。此二人是非之辨也。

夏四月，昭義節度使劉從諫薨，其子積自為留後，詔諸道發兵討之。

從諫不終

韋見

初，從諫累表言仇士良罪惡，遂與朝廷相猜。及疾病，與幕客張谷等謀效河北諸鎮，以弟之子積為都知兵馬使。至是薨，積秘不發喪。逼監軍崔士康奏稱從諫疾病，請命其子積為留後。帝謀於宰相李德裕曰：澤潞事體與河朔三鎮不同。謂成德魏博盧龍三藩鎮河朔習亂已久，人心難化。是以累朝以來，置之度外。澤潞近處腹心，素稱忠義。從諫以兵權擅付豎子，若又因而授之，則諸鎮思效天子威令，不復行矣。帝曰：卿以何術制之？對曰：積所恃者河朔三鎮也。若遣重臣往諭，主元逵何弘敬以河朔傳襲已成，故事與澤潞不同。

今將加兵澤潞不欲更出禁軍其山東三州委兩鎮
攻之賊平之日將士竝厚加官賞苟兩鎮聽命不從
旁沮撓官軍則積必成擒矣帝喜決意討積命德裕
草詔賜元逵弘敬又賜盧龍節度使張仲武詔令專
禦回鶻元逵弘敬得詔悚息聽命

六月內侍監仇士良致仕

未幾詔削士良官爵籍其家資

帝外尊寵士良內實忌之士良頗覺遂以老病致仕
其黨送歸私第士良教以固權寵之術曰天子不可
令常閒宜以奢靡娛其耳目使日新月盛無暇及他
事然後吾輩可以得志其黨拜謝而去

秋七月遣御史中丞李回宣慰河北三鎮

詔令幽州早平回鶻鎮魏早平澤潞回至河朔何弘
敬王元逵張仲武皆具橐鞬郊迎立於道左不敢令
人控馬讓制使先行回明辨有膽氣三鎮無不奉詔

九月以王宰兼河陽行營攻討使

甲子四年春三月以趙歸真為道門教授先生

帝好神仙歸真得幸李德裕諫曰歸真敬宗朝罪人
不宜親近帝曰朕宮中無事時與之談道滌煩耳至
於政事必問卿等與次對官雖百歸真不能惑也

秋七月以杜悰同平章事

帝聞揚州娼女善爲酒令勅監軍選而獻之節度使杜悰不從監軍表其狀帝曰選娼女入宮豈聖天子所爲杜悰得大臣體朕甚愧之遽勅勿選召悰入相勞之曰卿不從監軍之言朕知卿有致君之心今相卿如得一魏徵矣。

八月邢洺磁三州降郭誼斬劉積以降

積年少懦弱押牙王協兵馬使李士貴用事專聚貨財府庫克溢而將士有功無賞由是人心離怨邢州將裴問請降於王元逵洺州守將王釗磁州守將安玉聞之皆請降於何弘敬李德裕曰昭義根本盡在

山東三州降則上黨不日有變矣帝曰郭誼必梟劉積以自贖德裕曰誠如聖料潞人聞三州降大懼郭誼謀說積以兵授誼束身歸朝積許之遂殺積滅其族函首遣使奉表降於王宰宰相入賀帝曰郭誼宜何如處之德裕對曰劉積阻兵拒命皆誼爲之謀主及勢孤力屈又賣積以求賞此而不誅何以懲惡帝以爲然斬之

加李德裕太尉賜爵衛國公

初德裕以比年將帥出征屢敗其弊有三一者詔令下軍前者日三四宰相多不預聞二者監軍各以意

見指揮軍事將帥不得專進退三者每軍各有宦者
爲監使悉選軍中驍勇數百爲牙隊其在陳戰鬪者
皆怯弱之士每戰視事勢小却輒引旗先走德裕乃
與樞密使楊欽義劉行深議約勅監軍不得預軍政
每兵千人聽取十人自衛有功隨例霑賞二樞密皆
以爲然白帝行之自非中書進詔意更無他詔自中
出者號令旣簡將帥得以設其謀略故所向有功時
河北三鎮每遣使至京師德裕常面諭之曰河朔兵
力雖彊須藉朝廷官爵威命以安軍情與其使大將
邀勅使以求官爵何如自奮忠義立功立事結知明
主乎由是三鎮不敢有異志

冬十一月貶牛僧孺爲循州長史流李宗閔於封州

李德裕言于帝曰劉從諫據上黨十年太和中入朝

僧孺宗閔執政不留之加宰相縱去文宗太和間從

不章事而遣歸政以成今日之患又使昭義孔目官鄭慶言

從諫每得二人書疏皆自焚毀河南少尹呂述與德

裕書言僧孺聞積破失聲嘆恨德裕奏之帝大怒貶

僧孺等

丑乙 五年秋七月詔毀天下佛寺僧尼並勒歸俗

帝惡僧尼耗蠹天下欲去之道士趙歸真等復勸之



乃先毀山野招提蘭若招提猶華言四方僧佛也有常住之寺為招提蘭若寺也

若音惹至是勅上都東都各留二寺每寺留僧三十人

天下節鎮各留一寺寺分三等留僧有差餘僧及尼

并勒歸俗寺皆立期毀撤仍遣御史分道督之財貨

田產並沒官寺材以葺公廨驛舍銅象鐘磬以鑄錢

凡天下所毀寺四千六百餘區招提蘭若四萬餘區

歸俗僧尼二十六萬五百人收良田數千萬頃奴婢

十五萬人

冬十二月貶韋弘質為某官

書某官史失之也失之而書病德裕也

李德裕乘政日久好狗愛憎人多怨之給事中韋弘

由後分心于報怨兩截入哉

質上疏言宰相權重不應更令三司錢穀德裕奏曰

制置職業人主之柄弘質受人教導所謂賤人圖柄

臣非所宜言貶弘質官由是眾怒愈甚

丙寅

六年春三月立光王忱為皇太叔帝崩太叔即位

初憲宗納李錡妾生光王怡怡幼時宮中皆以為不

慧太和以後益自韜匿及帝疾篤諸宦官密于禁中

定策立怡為皇太叔更名忱太叔見百官哀戚裁決

庶務咸當於理人始知有隱德焉帝崩以李德裕攝

冢宰太叔即位德裕奉冊既罷帝謂左右曰適近我

者非太尉邪每顧我使我毛髮灑淅

于文定曰唐宣宗之畏李德裕與漢宣帝之憚霍將軍二事相類霍光秉政德裕持權二帝伏在民間已竊視熟聞矣一旦爲其所主托于億兆之上安得不嚴之如芒刺慄慄于毛髮耶嗟乎威震主者不畜勢也爲人臣者何樂有此

夏四月李德裕罷爲荆南節度使○趙歸真等伏誅五月以白敏中同平章事

綱鑑要編卷之十七終

綱鑑要編卷之十八

芝臺陳仁錫 評 仲飛林夢熊 校

明毅山于慎行 摘 稚通張睿卿 輯

心謙陳臣忠 纂 林然陳 森 叅

宣宗皇帝 名忱憲宗第十三年子在位十三年

丁卯 大中元年春二月以李德裕爲太子少保分司

初李德裕引白敏中入翰林及德裕失勢敏中竭力

排之使其黨訟德裕罪故有是命 德裕尋貶潮州司馬再貶崖州司戶

戊辰 二年春二月以令狐綯爲翰林學士

帝嘗以太宗所選金鏡錄就綯使讀之至亂未嘗不

任不肖治未嘗不任忠賢帝止之曰凡求致太平當以此言爲首又書貞觀政要於屏風每正色拱手而讀之

夏五月以周墀同平章事

初墀爲義成節度使辟韋澳爲判官及爲相謂澳曰何以相助澳曰願相公無權墀愕然澳曰官賞刑罰與天子共其可否勿以已之愛憎喜怒移之天下自理何權之有墀深然之

于文定曰澳之言千古名言也物有輕重而不在衡物有妍媸而不在鑑無心故無權無權故無恩

與怨相天下者以其身爲權衡而無容心焉天下理而身亦安矣奈何其不然哉

已已三年秋七月克復河湟涇原節度使康季榮等取之

冬閏十一月李德裕卒

范祖禹曰裴度李德裕皆有功烈爲唐賢相德裕才優於度而德器不及也蓋度不爲黨而德裕爲黨是以度雖爲小人所傾而能以功名終德裕一失勢而斥於海上也

辛未五年春二月以裴休爲鹽鐵轉運使

自太和以來歲運江淮米不過四十萬斛吏卒侵盜



沈舟達渭倉者什不三四大墮劉晏之法休窮究其弊立漕法十條歲運百二十萬斛

冬十月以魏謩同平章事

壬申六年夏六月以畢誠為邠寧節度使

時党項擾邊帝欲擇帥而難其人從容與翰林畢誠論邊事誠援古據今具陳方略帝悅曰不意頗牧近在禁庭卿其為朕行乎誠欣然奉命招諭党項降之秋八月以裴休同平章事

甲戌八年秋九月以高少逸為陝虢觀察使

有勅使過陝石鞭驛吏見血少逸以聞帝責勅使謫

配恭陵後帝召翰林學士韋澳屏左右語之曰近日

外間謂內侍權勢如何對曰陛下威斷非前朝之比

帝閉目搖頭曰全未全未尚畏之策將安出對曰若

與外庭議之恐有太和之變文宗與宋申錫謀是也不若就其

中擇有才識者與之謀帝曰此乃末策朕已試之矣

帝又嘗與令狐綯謀盡誅宦官綯恐濫及無辜密奏

曰但有罪勿捨有闕勿補自然漸耗至於盡矣宦官

竊見其奏由是益與朝士相惡南北司如水火矣

冬十月以李行言為海州刺史

先是帝獵於苑北遇樵夫問其縣曰涇陽人令為誰

此言豈可形之章奏

曰李行言為政何如曰性執有強盜數人匿軍家索之竟不與盡殺之帝歸帖其名於寢殿之柱及除刺史入謝帝命取柱帖示之

于文定曰聽樵夫之言則疏李行言于殿柱獵渭上而手褒李君奭如此而獵後車之載何加焉

乙亥九年春二月以李君奭為懷州刺史

初帝校獵渭上有父老十數聚於佛祠帝問之對曰醴泉百姓也縣令李君奭有異政考滿當罷詣府乞留故此祈佛冀諧所願耳及懷州刺史闕帝手筆除君奭帝聰察疆記嘗密令韋澳纂次州縣境土風物

及諸利害為一書號曰處分語他日鄧州刺史薛弘宗入謝出謂澳曰上處分本州事驚人澳詢之皆處分語中事也

丙子十年夏六月裴休罷為宣武節度使

初帝命休極言時事休請早建太子帝曰若建太子則朕遂為閑人休不敢復言以疾辭從之

丁丑十一年春正月以韋澳為河陽節度使

帝欲以澳判戶部澳以心力衰耗難處繁劇為辭帝不悅及歸其甥柳玘尤之澳曰主上不與宰輔僉議私欲用我人必謂我以他岐得之何以自明遂出鎮

河陽

于文定曰名位不出于廷臣之師錫而出于人主之獨斷在嗜進者方為不世之途而恬退之流乃耻於他伎之迹然則士之進退與其受知于上心不如見察於士論也至謂時事不佳由吾曹貪名位所致則千古名言

二月魏謩罷為西川節度使

帝樂聞規諫凡諫官論事門下封駁苟合於理多屈意從之得大臣章疏必焚香盥手而讀之謩為相每議事正言無所避帝每嘆曰謩綽有祖風我心重之然竟以剛直為令狐綯所忌而出之

謩讀之謂

大有供嬉笑而不停朝政者

秋七月流祝漢貞於天德軍

教坊使祝漢貞滑稽敏給寵冠諸優一日抵掌詼諧頗及外事帝正色謂曰我畜養爾曹止供戲笑耳豈得輒預朝政邪會其子坐賊流之樂工羅程善琵琶有寵殺人繫獄衆工為請曰程負陛下萬死然臣惜其絕藝不復得奉宴遊矣帝曰汝曹所惜者羅程藝朕所惜者高祖太宗法竟杖殺之

冬十月遣使迎道士軒轅集於羅浮山

帝好神仙迎軒轅集至長安軒轅復姓問曰長生可學乎

對曰王者屏欲而崇德自然受大遐福何處更求長生留數月求還山乃遣之

戊寅十二年冬十月以于延陵為建州刺史

延陵入辭帝曰建州去京師幾何對曰八千里帝曰卿到彼為政善惡朕皆知之勿謂其遠此階前則萬里也詔刺史毋得外徙必令至京師面察其能否然後除之令狐絢嘗徙其故人為鄰州刺史便道之官帝以問絢對曰以其道近省送迎耳帝曰朕以刺史多非其人欲一一訪問知其優劣以行黜陟而詔命既行廢格不用宰相可謂有權時方寒絢汗透重裘

帝臨朝接對羣臣如賓客雖左右近習未嘗見其惰容每宰相奏事威嚴不可仰視奏事畢忽怡然因問問閭細事或談宮中遊宴一刻許復整容曰卿輩善為之朕嘗恐卿輩負朕後日不復得再相見乃起入宮絢謂人曰吾十年秉政最承恩遇然每延英奏事未嘗不汗沾衣也

巳卯十三年秋八月帝崩鄆王漼卽位

初帝長子鄆王溫無寵愛第三子夔王滋欲以為嗣為其非次故久不建東宮帝疾密以夔王屬王歸長等三人使立之左軍中尉王宗寔素不同心三人相

祝穆宗以下而猶怨武宗且獄嫡母大奸在側畏之如虎卒醜

定國策老
之勢

與謀出宗寔為淮南監軍宗寔入舜至寢殿帝已崩
宗寔叱歸長等責以矯詔乃迎鄆王立為太子更名
灌取歸長等殺之帝明察沉斷從諫如流恭謹節儉
惠愛民物故大中之政人思詠之謂之小太宗

懿宗皇帝 名灌宜宗太子
在位十四年

身為弑嫡
之主而寇

咸通元年春正月浙東賊裘甫作亂

亂接踵嬌
婿愛女濁
亂天下孰
謂無天道
哉

三月以王式為浙東觀察使發諸道兵討裘甫破之
式擒裘甫送京師斬之諸將請曰公之始至軍食方
急而遽散之何也式曰賊聚穀以誘飢人吾給之食
則彼不為盜矣且諸縣無守兵賊至則倉穀適足資

之耳不置烽火何也式曰烽火所以趣救兵也今兵
盡行無以繼之徒驚士民使自潰亂耳使懦卒為候
騎而少給兵何也式曰彼勇卒操利兵遇敵且不量
力而鬪鬪歿則賊至不知矣皆拜曰非所及也

壬午 三年夏四月置戒壇度僧尼 度人三
七日

帝奉佛太過怠於政事禁中設講席自唱經 唱誦吟
釋梵音

必唱和
演揚 手錄梵夾又素幸諸寺施與無度吏部侍郎

蕭倣上疏曰素王之風仁義為首願陛下時開延英
接對四輔力求人瘼虔奉宗祧罷去講筵躬勤政事

帝不能從

甲申五年冬十一月以路巖同平章事西以節度使得賜盡於江陵獄

巳丑十年冬十月流陳蟠叟於愛州

帝荒宴不親庶政委任路巖巖奢靡頗通賂遺至德

令陳蟠叟上書言請破邊咸一家可贍軍二年帝問

咸為誰對曰路巖親吏帝怒流之自是無敢言者

庚寅十一年冬十二月以李國昌為振武節度使

癸巳十四年春正月遣使迎佛骨夏四月至京師

帝遣勅使詣法門寺迎佛骨羣臣諫者甚眾至有言

憲宗迎佛骨尋晏駕者帝曰朕生得見之歎亦無恨

及至京師儀衛之盛過於郊祀帝降樓膜拜長跪拜也胡人

唐以迎佛而死者二宗

禮拜稱南膜故曰膜拜流涕霑臆迎入禁中

秋七月帝崩普王儼即位中尉劉行深韓文約立之

僖宗皇帝名儼懿宗太子在位十五年

甲午乾符元年冬十一月濮州人王仙芝作亂

自懿宗以來賦歛愈急關東連年水旱州縣不以實

聞百姓流殍無所控訴相聚為盜所在蜂起王仙芝

始聚眾數千起於長垣

乙未二年春正月以宦者田令孜為中尉

帝之為普王也小馬坊使田令孜有寵及即位使知

樞密遂擢為中尉帝時年十四專事遊戲政事一委

令孜呼為阿父令孜頗讀書多巧數納賄除宮不復
關白

夏六月王仙芝陷濮曹州冤句人黃巢聚眾應之

巢善騎射喜任俠粗涉書傳屢舉進士不第與仙芝
共販私鹽至是聚眾應仙芝剽掠州縣橫行山東數
月之間眾至數萬

戊戌五年春正月大同軍亂殺防禦使段文楚推李克用

為留後

李國昌之子克用為沙陀副兵馬使戍蔚州時河南
盜賊盜起沙陀

后唐太祖
晉土李克
用

朝廷號令不行此乃英雄立功名取富貴之秋也李
振武子勇冠三軍若輔以舉事代北不足平矣眾以
為然會代北荐饑漕運不繼防禦使段文楚頗減軍
士衣米軍士怨怒盡忠乃殺文楚而推克用表求勅
命朝廷不許國昌上言請速除防禦使若克用違命
臣請帥本道兵討之終不愛一子以負國家朝廷乃
以盧簡方為防禦使詔國昌語克用令迎候如常儀
除克用官必令稱愜

夏四月以李國昌為大同節度使國昌不奉詔

朝廷以克用據雲中以李國昌為大同節度使以為

謀國無人
愚至此哉

克用必無以拒也國昌欲父子并據兩鎮得制書毀之殺監軍與克用合兵進擊寧武及岢嵐軍盧龍節度李可舉蔚朔節度李琢討之國昌克用亡走鞬鞞六月以高駢為鎮海節度使
巳六年春正月高駢遣將分道擊黃巢大破之巢趣廣南○冬十月黃巢陷潭州

黃巢士卒罹瘴疫死者什三四其徒勸之北還以圖大事巢乃自桂州編筏沿湘而下抵潭州攻陷之

庚子廣明元年春二月殺左拾遺侯昌業

昌業以盜賊滿關東而帝務遊戲田令孜專權社稷

將危上疏極諫帝怒賜死帝善擊毬嘗謂優人石野

豬曰朕若應擊毬進士舉須為狀元對曰若遇堯舜

作禮部侍郎恐陛下不免駁放謂不收用而逐之帝笑

三月以陳敬瑄為西川節度使

敬瑄田令孜兄也令孜見關東羣盜日熾陰為幸蜀

之計奏以敬瑄為西川節度使

以高駢為諸道行營都統

秋七月黃巢渡江

黃巢自采石渡江兵勢甚盛淮南將畢思鐸言於高

駢曰朝廷倚公為安危今賊乘勝長驅若不據險擊

是時天下亦只一睹耳况西川乎

將相稱疾
唐末最多

之必為大患駢度力不能制不敢出兵上表告急詔
書責駢駢稱風痺不復出戰

冬十一月黃巢陷東都

十二月黃巢入長安帝走興元

黃巢僭號

自稱大齊皇帝殺唐宗
室在長安者無遺類

于文定曰黃巢以流劫之資豈有長才遠畧不可
與之甲者乎惟其朝廷政令制于閹寺朝綱無主
曾揆不衷方鎮諸臣互觀成敗養成寇虐不可撲

滅耳

鳳翔節度使鄭畋合鄰兵討賊

辛丑 中和元年春正月幸成都

陳敬瑄遣兵奉迎請幸成都田令孜亦勸帝帝從之

二月以王鐸同平章事

三月赦李克用遣李友金召之

先是克用亡走鞬鞞時與其豪帥飲酒酣克用曰吾
得罪天子願效忠而不得今聞黃巢北來必為中原
患一旦天子若赦吾罪得與公輩南向共立大功不
亦快乎人生幾何誰能老死沙磧耶至是沙陀李友
金入援至絳州刺史瞿稹謂曰賊勢方盛未可輕進
乃俱還代募兵得三萬人皆北方雜胡屯於嶽西獷

悍暴橫積與友金不能制友金乃說監軍陳景思曰
吾兄司徒父子勇畧過人爲衆所服請奏天子赦其
罪召以爲帥則北伐之人一麾響應賊不足平也景
思遣使言之詔如所請友金以五百騎迎之克用帥
韃靼諸郡萬人赴之

鄭畋傳檄天下合兵討賊

時天子在蜀詔令不通天下謂朝廷不能復振及得
畋檄爭發兵應之賊懼不敢窺京西

夏六月李克用陷忻代州

李克用牒河東稱奉詔將兵討

具怛遯節度

使鄭從讜閉城設備而犒給之克用累日不發縱沙

陀剽掠城中大駭尋引兵還陷忻代忻代二畱居代州名

州

冬十月鳳翔行軍司馬李昌言作亂鄭畋赴行在

李昌言將兵屯興平時鳳翔倉庫虛竭犒賞稍薄昌
言因激怒其衆引軍還襲府城鄭畋登城謂之曰行
軍苟能戢兵愛人爲國滅賊亦可以順守矣乃以留
務委之即日西赴行在詔以畋爲太子少傅分司昌
言爲鳳翔節度使

于文定曰僖宗之幸蜀也鄭畋鳳翔徵兵王重榮

渭北勤三楊復光舉兵淮蔡此亦雲合雨集之勢
高駢坐擁強兵裴徊觀望不肯以一騎渡淮使畋
與復光獨拊無聲自潰其地駢罪大矣不以爲討
止解兵柄駢猶攘袂大詬逆節昭然而鄭畋之詔
僅作風剗之語上下之體不已陵乎欲撥亂亨屯
光復大業不及也甚矣唐之無紀矣

壬寅

二年春正月以王鐸爲諸道行營都統

鐸以高駢無心討賊自以身爲首相發憤請行懇款
流涕至于再三帝許之以鐸爲都統罷駢但領鹽鐵

轉運使

鐸後爲魏博節度使子樂從訓殺于高駢泊

二月朱溫據同州

溫黃巢將也

夏四月王鐸以諸道兵逼長安

官軍四集巢勢日蹙號令所行不出同華

秋九月朱溫以華州降王鐸以爲同華節度使

溫見巢兵勢日

感遂舉州降

冬十月以朱溫爲河中行營招討副使賜名全忠

十一月李克用將沙陀兵趣河中

時黃巢兵勢尚強河中留後王重榮謀於行營都監
楊復光復光曰雁門李僕射驍勇有疆兵素有狗國

之志所以不來者以與河東結隙耳若以朝旨諭鄭
公而召之必來來則賊不足平矣時王鐸在河中乃

楊復光

墨勅召克用喻鄭從讜克用遂將沙陀萬七千人趣河中

十二月以李克用為雁門節度使

癸卯三年夏五月李克用破黃巢收復長安

克用與黃巢戰於渭南一日三捷義成忠武等諸軍

繼之賊眾大奔克用等入京師巢焚宮室遁去克用

時年二十八於諸將最少而兵勢最彊破黃巢復長

安功第一諸將皆畏之克用一目微眇時人謂之獨

眼龍

秋七月以朱全忠為宣武節度使

甲辰

四年夏五月黃巢趣汴州李克用等追擊大破之

巢取丘賊黨斬巢以降

李克用至汴州朱全忠之克用走還

克用至汴州全忠館於上源驛置酒甚恭克用乘酒

使氣語頗侵之全忠不平薄暮罷酒從者皆醉全忠

發兵圍驛攻之克用醉不之聞左右以水沃其面告

之克用始張目援弓而起會大雨震電天地晦冥克

用帥左右數人踰垣突圍得出乃還晉陽大治甲兵

奉表自陳為全忠所圖乞遣使按問發兵誅之朝廷

以大寇初平方務姑息得表大恐但優詔和解之克

鴟軍

全忠夜掩殺克用軍
僖宗不下詔暴其罪
詔天下助討天下事不可為矣

德代之于藩鎮只是

貪賄僥倖
則畏之如
虎矣

用鬱鬱不平時藩鎮相攻者朝廷不為之辨曲直由是互相吞噬無所稟受矣

范祖禹曰克用有復唐室之大功而全忠輒欲殺之克用不敢專兵復讐而赴訴於朝廷是猶有尊王室之心也僖宗兩無予奪何以做全忠而服克用邪

秋八月進李克用爵為隴西郡王

乙光啓元年春正月車駕發成都

三月車駕至京師

京師荆棘滿城狐兔縱橫帝凄然不樂時朝廷號令

所及惟河西山南劔南嶺南數十州而已

夏四月田令孜自兼兩池榷鹽使

先是安邑解縣兩池皆隸鹽鐵中和以來河中節度使王重榮專之歲獻三千車以供國用令孜奏復舊制自兼兩池使收其利以瞻軍重榮論訴不已令孜乃徙重榮為泰寧節度使重榮自以有復京城功為令孜所擯不肯之兖州累表數令孜十罪令孜結邠寧節度使朱玫鳳翔節度使李昌符以抗之

冬十月田令孜遣朱玫李昌符攻河中李克用救之十

二月進逼京城帝奔鳳翔

克用以此
爲名朱攻
如此舉動
朝廷竟無
處分有以
窺深矣

王重榮求救於李克用克用方怨朝廷不罪朱全忠
議攻汴州報曰待吾先滅全忠還掃鼠輩如秋葉耳
重榮曰待公自關東還吾爲虜矣不若先除君側之
惡退擒全忠易矣時朱攻李昌符亦陰附於全忠克
用乃上言攻昌符與全忠相表裏欲共滅臣臣不得
不自救已集藩漢兵十五萬決以來年濟河北討二
鎮不近京城保無驚擾還滅全忠以雪讐恥帝遣使
者諭釋寇蓋相望令攻遣攻昌符屯沙苑地名以攻重
榮重榮告急於克用克用引兵赴之與重榮俱壁沙
苑表請誅令攻及攻昌符詔和解之克用不聽合戰

攻昌符大敗克用進逼京城令攻奉天子幸鳳翔長
安宮室復爲亂兵焚掠無孑遺矣

丙午 二年春正月田令孜劫帝如寶雞

李克用還軍河中與王重榮表請帝還宮因罪狀田
令孜請誅之令孜劫帝如寶雞時令孜弄權再致播
遷天下共忿疾之朱攻李昌符亦恥爲之用且憚蒲
晉之強更與之合蒲謂河中王重榮
晉謂晉陽李克用

元 朱攻李昌符追逼車駕帝復走入大散關○二月至興

夏四月朱攻奉襄王煜權監軍國事還京師

朱玫以田令孜在天子左右終不可去言於同平章
事蕭遘曰主上播遷六年將士冒矢石百姓供饋餉
戰歿餓歿什減七八僅能復京城主上更以勤王之
功為勅使之榮委以大權使墮綱紀騷擾藩鎮召亂
生禍玫昨奉尊命來迎大駕不蒙信察反類脅君吾
輩報國之心極矣戰賊之力殫矣安能垂頭弭耳受
制於閹寺之手哉李氏子孫尚多相公盍改圖以利
社稷乎遘曰主上無太過惡正以令孜專權肘腋致
坐不安席近日初無行意令孜陳兵帳前迫脅以行
足下盡心王室止宜引兵還鎮拜表迎鑾廢立重事

遘不敢聞命玫出宣言曰我立李氏一王敢異議者

斬遂逼鳳翔奉襄王熿肅宗權監軍國事承制封拜

帥百官奉熿還京師上出長安百官不扈從而奔河中者謂之河中百官

田令孜自為西川監軍

令孜自知不為天下所容乃薦楊復恭為中尉復恭復光

之兄自除西川監軍往依節度使陳敬瑄

于文定曰僖宗失守巴蜀播遷皆田令孜所為也

巢之未平欲歸重北司檳王鐸于外釋憾于敬瑄

罷鄭畋于中巢之既平受匡祐之譖而徙王重榮

掩李克用之功而護朱全忠于是二鎮合從舉兵

詰闕興元之幸又基于此矣三百年基業反覆一
闕之手再致播遷毒痛四海而奄亦不能其身也
令孜既為諸鎮所攻薦復恭自代而奔入西川與
兄相倚為謀巧矣乃方出而復恭即斥其黨而貶
削之令下焉姦謀安所用哉

六月詔扈蹕都將楊守亮與王重榮李克用共討朱攻
是時諸道貢賦多之長安興元從官衛士皆乏食帝
涕泣不知為計同平章事杜讓能口楊復光與王重
榮同破黃巢相親善若遣重臣往諭以大義且致復
恭之意宜有回慮帝從之重榮即聽命且請討朱攻

以自贖襄王煜遣使者至晉陽賜李克用詔言帝已

晏駕

崩也

吾為藩鎮所推今已受冊克用大怒其大將

蓋寓因說曰鑿與播遷天下皆歸咎於我今不誅朱
攻黜李煜無以自湔洗克用從之燔詔書因使者遣
使上表移檄進討詔復恭假子楊守亮與重榮克用
共討攻先是山南之人皆言克用與攻合人情恟懼
表至帝出示從官并諭山南諸鎮由是帖然然克用
表猶以朱全忠為言帝使復恭以書諭之云俟三輔
事寧別有進止

秋七月朱攻遣王行瑜寇興州詔神策都將李茂貞拒

克用心事
了然

懼怯至此

之○冬十月朱玫立襄王熾稱帝改元○十二月王行瑜還長安斬朱玫熾奔河中王重榮殺之傳首行在

丁未三年春正月以王行瑜為靜難軍節度使李茂貞領

武定節度使楊守亮為山南西道節度使

二月流田令孜於端州令孜依陳敬瑄竟不行

三月車駕至鳳翔

夏六月李昌符作亂敗走以李茂貞為招討使討之

天威都頭楊守立與李昌符爭道麾下相毆帝命中

使喻之不止昌符遂擁兵燒行營守立與戰昌符敗

走保隴州詔遣李茂貞討之

秋八月李茂貞平隴州李昌符伏誅詔以茂貞為鳳翔

節度使

九月以張濬同平章事

戊申文德元年春二月帝至長安

三月立壽王傑為皇太弟帝崩太弟即位

昭宗皇帝名傑更名曄懿宗子在位十二年

庚戌大順元年春二月李克用攻雲州

防禦使赫連鐸求救於盧龍節度使李匡威將兵三

萬赴之克用引還

夏四月詔削李克用官爵屬籍以張濬為招討制置使

會諸道兵討之

初濬因楊復恭以進復恭中廢更附田令攷復恭再用事淡恨之濬以功名為已任每自比謝安裴度克用聞其作相私謂詔使曰張公好虛談而無實用他日交亂天下必是人也濬聞而銜之至是赫連鐸李匡威請討克用朱全忠言克用終為國患請與河北三鎮共除之帝命三省御史臺四品以上議之以為不可者什六七濬欲倚外勢以擠復恭乃曰先帝再幸山南沙陀所為也指克用臣嘗慮其與河朔相表裏致朝廷不能制今兩河藩鎮共請討之此千載一時

孔緯曰矣

也但乞陛下付臣兵柄旬月可平同平章事孔緯曰濬言是也帝曰克用有興復大功今乘其危而攻之天下其謂我何緯曰陛下之言一時之體也張濬所言萬世之利也帝以二相言協儻俛從之曰茲事付卿二人無貽朕羞

于文定曰昭宗之時國勢已危急在自保即梁晉阻兵相時以圖張濬孔緯急于討賊何不達時宜耶原其所以不過全忠欲仗威以求逞于沙陀張濬欲倚全忠而甘心于復恭耳上不量國內不審已外挑強敵內發城社固已失策矣重以智淺謀

疎以是求濟其能及乎

冬十月李克用遣兵拒官軍於趙城官軍潰

辛亥二年春正月貶孔緯張濬遠州刺史復李克用官爵

范祖禹曰李克用有復唐社稷之功朱全忠欲殺之而朝廷不詰全忠與諸鎮請討克用則遽從之有功者見討有罪者不誅昭宗所以失政而海內愈亂者由張濬爲此役也

秋九月以楊復恭爲上將軍致仕

復恭總宿衛兵專制朝政諸假子皆爲節度使又養宦官子六百人皆爲監軍帝舅王瓌求節度使復恭不可瓌怒詬之復恭奏以爲黔南節度使至桔柏津覆諸江中帝深恨之李順節盡以復恭陰事告帝帝乃出復恭爲鳳翔監軍復恭愠懟不肯行稱疾求致仕從之

冬十月以王建爲西川節度使

初永平節度使王建表陳敬瑄田令孜罪不可赦攻成都克之自稱西川留後乃以爲節度使建遣人告敬瑄作亂令孜通鳳翔書皆殺之

楊復恭謀反遣天威都頭李順節討之復恭走興元與楊守亮等舉兵拒命

以小人攻亦人

子景福元年春二月以李茂貞為山南西道招討使

先是鳳翔李茂貞靜難王行瑜鎮國韓建同州王行

約秦州李茂莊五節度使上言楊守亮容匿叛臣楊

復恭請出兵討之乞加茂貞山南西道招討使朝議

以茂貞得山南不可復制下詔和解之皆不聽茂貞

行瑜擅舉兵擊興元表請不已遣杜讓能西門君遂

書陵茂朝廷帝意不能容召宰相諫官議之時諫官

有陰與二鎮相表裏者宰相不敢言給事中牛徽曰

先朝多難茂貞誠有翼衛之功諸楊阻兵亟出攻討

其志亦在疾惡但不當不俟詔命耳比聞兵過山南

可以論世

殺傷至多陛下儻不以招討使授之使用國法約束

則山南之民盡矣帝乃從之

秋八月以楊行密為淮南節度使○李茂貞取興元楊

復恭守亮等奔閬州

癸丑二年春正月以李茂貞為山南西道節度使茂貞不

奉詔茂貞欲兼得鳳翔不奉詔

以柳玘為瀘州刺史

柳氏自公綽以來世以孝悌禮法為士大夫所宗玘

嘗戒其子弟曰凡門第高可畏不可恃也門高則驕

心易生族盛則為人所嫉懿行實才人未之信少有

疵類衆皆指之故膏梁子弟學宜加勤行宜加勵僅得比他人爾

秋八月以覃王嗣周為西京招討使討李茂貞

茂貞恃功驕橫帝怒決策討之命杜讓能專掌其事讓能諫曰陛下初臨大寶國步未夷茂貞近在國門未宜構怨萬一不克悔之無及帝曰王室日卑號令不出國門此志士憤痛之秋朕不能坐視陵夷卿但為調兵食朕自委諸王用兵成敗不以責卿讓能曰陛下必欲行之中外大臣宜協力以成聖志不當獨以任臣帝曰卿位居元輔與朕同休戚無宜避事讓

亦是有志之語為之奈何

何人

能泣曰臣豈敢避事顧時有未可勢有不能恐他日徒受晁錯之誅不能弭七國之禍也敢不奉詔以死繼之乃命讓能留中書計畫調度月餘不歸命覃王嗣周為京西招討使

于文定曰漢景與晁錯議削七國七國起兵而錯為袁盎所中遺首以解昭宗委杜讓能征討汴岐二鎮兵起而讓能為崔昭緯所中賜死以解二事相類然錯當漢道方興身死而國難平讓能當唐祚將移死而國隨以亡冤憤同情得失異効所遇彼袁崔二子見危不救因而除其所仇有天道哉

九月以錢鏐為鎮海節度使

李茂貞王行瑜合兵拒官軍官軍逃潰貶杜讓能雷州

司戶

以韋昭度崔胤同平章事

冬十月殺雷州司戶杜讓能以李茂貞為鳳翔兼山南

西道節度使

以王潮為福建觀察使

此闕王之基

甲寅 乾寧元年春二月以鄭綮同平章事

綮好恢諧多為歇後詩譏嘲時事帝以為有所蘊命以為相聞者大驚綮曰歇後鄭五作宰相時事可知

綮亦未可忽也處亂世以恢諧首全耳

矣累讓不獲乃視事

為相半年致仕

夏六月以李谿同平章事

為劉崇龜出班掠麻谿上表詬訾宜有都守之禍

罵世界

秋八月楊復恭等伏誅

李茂貞拔閬州復恭帥其黨出走韓建獲之獻于闕

下斬之茂貞獻復恭與守亮書訴致仕之由云承天

門乃隋家舊業大姪但積粟訓兵勿貢獻吾於荆榛

中立壽王纔得尊位廢定策國老有如此負心門生

天子

乙卯 二年夏五月王行瑜李茂貞韓建舉兵犯闕殺韋昭

度李谿

行瑜以不得尚書令怨朝廷王珂王珙爭河中行瑜與韓建李茂貞皆為珙請不能得耻之行瑜使其弟同州刺史行約攻河中而自與茂貞建各將精騎兵數千人入朝帝御安福門以待之三帥盛陳甲兵拜伏舞蹈帝詰之曰卿輩不奏請俟報輒稱兵入京城其志欲何為乎若不能事朕今日請避賢路行瑜茂貞流汗不能言建粗述入朝之由帝與之宴三帥奏稱南北司互有朋黨隳紊朝政韋昭度討西川失策李谿作相不合衆心請誅之帝未之許行瑜等輒殺之李克用聞三鎮犯關即日遣使發北部兵期以來

月渡河入關始三帥謀廢帝立吉王保及聞克用起兵行瑜茂貞各留兵二千人宿衛京師與建皆還本鎮

六月李克用舉兵討三鎮秋七月王行約李繼鵬作亂帝如石門鎮

李克用大舉藩漢兵南下上表稱王行瑜李茂貞韓建稱兵犯闕賊害大臣請討之又移檄三鎮數其罪行行瑜等大懼至河中行瑜弟行約茂貞假子繼鵬劫遷乘輿帝幸石門克用遣判官王環表問起居又遣史儼將三千騎詣石門侍衛茂貞懼斬繼鵬上表請

罪帝諭克用且赦茂貞併力討行瑜既而克用克邠
州行瑜伏誅

車駕還京師

李克用表請之也

冬十二月進李克用爵晉王

李克用還晉陽

克用請乘勝取鳳翔帝謀於貴近或曰茂貞復滅則
沙陀太盛朝廷危矣帝乃賜克用詔褒其忠欵且言
不臣之罪行瑜為甚茂貞韓建自知其罪職貢相繼
且當休兵息民克用奉詔而止又詔免克用入朝克
用猶豫未決蓋寓曰天子還未安席人心尚危大王

克用心事

若引兵渡渭恐復驚駭都邑人臣盡忠在於勤王不
在入勤願熟圖之克用笑曰蓋寓尚不欲吾入朝况
天下之人乎乃表還鎮表至京師上下始安

丙辰

三年秋七月李茂貞舉兵犯闕帝如華州

克用可恃不可慢可信不可疑
兵多而不練

初李克用屯渭北李茂貞韓建憚之事朝廷禮甚恭
克用去二鎮貢獻漸疎表章驕慢帝自石門還置殿
後四軍選補數萬人使延王戒丕等將之茂貞遂表
言延王無故稱兵討臣臣今勒兵入朝請罪帝告急
於河東茂貞遂引兵逼京畿戒丕曰今關中藩鎮無
可依者不若自鄜州濟河幸太原帝至渭北韓建奉

表請幸華州不許既而帝復憚遠適至富平復遣人
召建面議去留建至頓首言今藩臣跋扈者非止茂
貞陛下若遠巡邊鄙臣恐無復還朝今華州兵力雖
微亦足自固西距長安不遠願陛下臨之以圖興復
帝乃從之至華州茂貞遂入長安燔燒俱盡

八月李克用發兵入援

韓建移檄諸道令共輸資糧詣行在李克用聞之歎
曰去歲從余言豈有今日之患因與鄰道發兵入援

九月以馬殷判湖南軍府事

殷從謀主高郁之策保據湖南

冬十月以孫偓為鳳翔四面行營招討使討李茂貞

茂貞上表請罪仍獻助修宮室錢韓建復佐佑之竟
不出師復以茂貞為鳳翔彰義節度使

丁巳四年春正月詔罷諸王所領兵及殿後四軍

韓建奏睦濟韶通彭韓儀陳八王謀殺臣劫車駕幸
河中帝大驚召建諭之建稱疾不入表請勒歸十六
宅抄選師傅教以詩書不令典兵預政帝不得已詔
諸王所領軍士竝縱歸田里建又奏所置殿後四軍
顯有厚薄偏黨乞皆罷遣詔亦從之於是天子之親
軍盡矣

立德王裕為皇太子

韓建安識
書語李巨
用教之耳

秋八月韓建劉季述殺通王滋等十一人

韓建奏諸王罷兵尚苞陰計願陛下聖斷不疑制於未亂帝不報建乃與知樞密劉季述矯制發兵圍十

六宅諸王披髮升屋呼曰宅家救兒

天子以天下為宅四海為家故

日宅建盡殺之以謀反聞

戊午光化元年秋八月車駕至長安

庚申三年冬十一月中尉劉季述等幽帝於少陽院而立

太子裕

時宰相崔胤與帝謀誅宦官宦官懼劉季述等陰謀廢立乃召百官陳兵殿庭作亂等狀請太子監國將

崔胤畏死不敢違

士大呼入思政殿帝驚起季述乃扶帝適少陽院以

銀槌畫地數帝罪數十不止乃鎖其門鎔鐵錮之穴

墻以通飲食矯詔立太子裕以帝為太上皇胤密致

書朱全忠使興兵圖返正季述遣其養子希度請全

忠許以唐社稷輸之全忠猶豫未決副使李振獨曰

王室有難霸者之資也公為唐桓文安危所屬宦豎

囚廢天子不能討何以復令諸侯且幼主位定則天

下之權盡歸宦官矣全忠大悟即囚希度遣親吏蔣

玄暉如京師與胤謀之

于文定曰宦官之亂有國所必誅然何進行于漢

而成董卓之亂崔胤行于唐而啟朱溫之篡蓋刻
狐兔之穴而引豹虎之羣城社之奸去而負隅之
勢成矣二人之謀千古懸合二代之禍亦不爽巧
往古成敗可不恃勢乎

辛酉

天復元年春正月朔神策指揮使孫德昭等討劉季

述等皆伏誅帝復于位黜太子裕為德王○進朱全忠

爵為東平王李茂貞為岐王○以韓全誨張彥弘為中

尉

夏六月解崔胤鹽鐵使平不立其門胤欲盡除之韓

時帝悉以軍國事委崔胤宦官側目胤欲盡除之韓

愈密愈疎

唐小人常用此術蓋軍士上之所畏故國而嚇之

僱曰事禁太甚此輩亦不可全無恐其黨迫切更生
他變胤不從胤復請盡誅宦官但以宮人掌內諸司
事宦官乃求美女知書者數人內之宮中陰令詞察
其事盡得胤密謀日夜謀所以去胤者時胤領三司
全誨等教禁軍對帝誼譟訴胤減損冬衣帝不得已
解胤鹽鐵使時朱全忠李茂貞各有挾天子令諸侯
之意胤知謀泄事急遺全忠書稱被密詔令全忠以
兵迎車駕

冬十月朱全忠舉兵發大梁

十一月韓全誨等劫帝如鳳翔

朱全忠至河中表請車駕幸東都京師大駭韓全誨等陳兵殿前劫帝如鳳翔帝不許拔劍登乞巧樓全誨等逼帝下樓帝不得已與皇后妃嬪諸王百餘人皆上馬慟哭而出李茂貞出迎遂入鳳翔帝屢詔全忠還鎮全忠引兵至鳳翔城東而還

壬戌

二年春三月以楊行密為行營都統賜爵吳王

進錢鏐爵為越王

後更封為吳王

朱全忠圍鳳翔

崔胤詣河中泣訴於朱全忠請以時迎奉全忠與之宴胤親執板歌以侑酒全忠乃將兵五萬發河中進軍鳳翔城下朝服向城而泣曰臣但欲迎車駕還宮耳不與岐王角勝也遂為五寨環之

癸亥

三年春正月李茂貞殺韓全誨等帝幸朱全忠營遂發鳳翔復以崔胤為司空同平章事

李茂貞獨見帝請誅韓全誨等與全忠和奉車駕還京帝許收全誨斬之并誅宦官七十餘人車駕幸全忠營全忠素服待罪頓首流涕帝亦泣崔胤帥百官迎謁復以為相

車駕至長安大誅宦官以崔胤判六軍十二衛事

車駕入長安崔胤復奏宦官典兵預政不剪其根禍

崔胤奉上命不來奉全忠命則來

鳳翔已誅
七十二人
今又誅九
十人至數
百人亦失
刑矣

終不已請悉罷內諸司使其事務盡歸寺省三公所居曰省

九卿所居曰寺諸道監軍俱召還闕下帝從之是日全忠以

兵驅第伍可範已下數百人於內侍省盡殺之其出

使外方者詔所在收捕誅之止留黃衣幼弱者三十

人以備灑掃自是宣傳詔命皆令宮人出入其兩軍

八鎮兵悉屬六軍以崔胤兼判六軍十二衛事

司馬光曰宦者用權為國家患其來久矣然未有

劫脇天子廢置在手如唐世者也所以然者漢不

握兵唐握兵故也

二月朱全忠進爵梁王葬歸鎮

貶韓偓為濮州司馬

帝欲用偓為相偓薦趙崇王贊自代胤惡其分已權

使朱全忠白帝曰趙崇輕薄王贊不才韓偓何得妄

薦帝不得已貶偓帝與泣別偓曰是人非復向來之

比臣得貶死為幸不忍見篡弑之辱

秋八月進王建爵為蜀王及梁滅唐建遂稱帝傳宗衍承林二主至後唐同光間滅

甲子天祐元年春正月梁王全忠殺崔胤以崔遠柳璨同

平章事

初崔胤假朱全忠兵力以誅宦官全忠既破李茂貞

威震天下遂有篡奪之志胤懼與全忠外雖親厚私

偓何忍言

心漸異乃謂全忠曰長安密邇茂貞不可不爲之備
六軍十二衛但有空名請召募以實之使公無西顧
之憂全忠知其意曲從之密使麾下壯士應募以察
之亂不之知與鄭元規等繕治兵仗日夜不息至是
全忠欲遷天子都洛恐亂立異密表亂等專權亂國
請并其黨鄭元規等誅之詔皆貶之而以裴樞獨孤
損分判六軍三司全忠密令友諒殺亂及元規等

于文定曰召朱溫之亂者崔胤也昭宗未弑而胤
先爲溫所誅成朱溫之篡者柳璨也唐祚未移而
璨先爲溫所戮傷哉二相負國賣君自附賊黨不

過爲身家計而身先君亡家先國滅天綱恢恢豈
不大哉以此繩之覺沈范王楮諸人爲漏網矣

梁王全忠屯河中表請遷都帝發長安二月至陝

帝發長安全忠以張廷範爲御營使毀長安宮室百

司及民間廬舍長安遂墟帝謂侍臣曰鄙語云紇干

山頭凍殺雀

紇干胡語云紇真華言
千里也其山冬夏積雪

何不飛去生處

樂朕今漂泊不知竟落何所因泣下沾襟左右莫能
仰視二月至陝以東都宮闕未成留止全忠來朝帝
延入寢室見何后后泣曰自今大家夫婦委身全忠
矣

于文定曰昭宗之亡國也蓋三奔馬華州之奔以
李茂貞犯闕為韓建所劫也鳳翔之幸以朱全忠
入討為韓全誨所劫也東都之幸以李茂貞舉兵
為朱全忠所劫也初依韓建再依茂貞三依全忠
而九鼎入梁矣

三月遣間使以密詔告難于四方告急於王建楊行密李克用等令糾率藩

鎮以圖匡復

夏四月帝至洛陽○秋八月梁王全忠弒帝於椒殿太
子祝卽位○冬十二月以劉隱為清海節度使

昭宣皇帝名祝昭宗第九子在位三年

慘過五德

乙丑 天祐二年春二月朱全忠殺德王裕等九人皆昭宗子

朱黼曰自古卽位未有不改元者雖垂亡殆盡之
國有革命遜位之勢而亂臣賊子未嘗不使嗣君
改元以欺天下也惟呂后立常山王朱溫立昭宣
帝不復改元蓋示天下之出於已也

夏六月殺裴樞獨孤損崔遠陸扆王溥等三十餘人

柳璨恃朱全忠之勢恣為威福會有星變璨因疏其
素所不快者於全忠曰此曹皆怨望腹非宜以之塞
災異判官李振亦言此曹難制不若盡去之全忠以
為然聚樞等三十餘人於白馬驛一夕盡殺之投屍

于河初振累舉進士不第故深疾縉紳之士言於全忠曰此輩常自謂清流宜投之黃河使爲濁流全忠從之振自汴至洛朝臣必有竄逐者時謂之鴟梟

秋八月徵前禮部員外郎司空圖詣闕尋放還山

初圖棄官居虞鄉王官谷昭宗屢徵之不起柳璨以詔書徵之圖懼入見陽爲衰野墜笏失儀璨復下詔

曰養高釣名匪夷匪惠難居公正之朝可放還山

胡寅曰唐末進退不汙者惟司空圖一人其在韓偓之右乎

于文定曰司空圖羅隱卓有風節隱爲錢鏐所請

兵討梁鏐不能用心其義也二子可謂不負詩名矣

後梁紀

太祖皇帝姓朱名溫賜名全忠更名晃在位七年

丁卯四年開平元年夏四月梁王全忠更名晃稱皇帝奉唐帝爲濟陰王明年弒之○梁以汴州爲東都開封府洛陽爲西

都長安爲大安府佑國軍

梁以馬殷爲楚王

據潭州盡有湖南地傳希聲希範希廣希萼希崇五主至周太祖廣順元

年爲南唐所滅

淮南西川移檄興復唐室

是時惟河東鳳翔淮南稱天祐西川稱天復年號餘

皆稟梁正朔王建與楊渥行密子移諸道云欲與岐王

晉王會兵興復唐室平無應者建乃謀稱帝遺晉王

書云請各帝一方俟朱溫既平乃訪唐宗室立之退

居藩服晉王復書云誓於此生靡敢失節。

梁以錢鏐為吳越王據杭州傳元瓘弘佐弘侖弘俶四主至宋太宗與國三年入朝國亡

梁以清海節度使劉隱為南海王據廣州盡有嶺南地

梁以高季昌為荆南節度使

六月梁侵晉圍潞州晉敗梁兵梁築夾寨守之

秋七月梁以劉守光為盧龍節度使劉守光之父仁恭為盧龍節度使守

光囚之而自立

九月蜀王王建稱帝

戊辰二年○蜀高祖王建武成元年是歲西川稱蜀春正月晉王克用卒子存

勗立

夏五月晉王攻梁夾寨破之潞州圍解

晉王與諸將謀曰朱溫所憚者獨先王耳聞吾新立

以為童子未閑軍旅必有驕怠之心若簡精兵倍道

趣之出其不意破之必矣取威定霸在此一舉遂帥

兵直抵夾寨大敗梁兵梁主聞之驚嘆曰生子當如

李亞子存勗小名克用為不亡矣至如吾兒豚犬耳

己巳三年春正月梁遷都洛陽○夏四月梁以王審知為

閩王據福州盡有閩嶺五州地子廷翰廷鈞嗣稱帝傳昶曦二主至晉開運元年指揮使朱文進殺之而自立未幾為閩人所殺

迎殷主王延政立之

秋七月梁以劉守光為燕王乾化元年稱帝三年為晉王存勗所滅

庚午四年○是歲淮南稱吳春二月岐王承制加楊隆演嗣吳王

辛未乾化元年○蜀永平元年冬十一月幽州叅軍馮道奔晉

壬申二年夏六月梁郢王友珪弑其主晃而自立

末帝名友貞太祖第三子在位十三年

癸酉三年○是歲燕亡春二月梁均王友貞起兵討賊友珪代

誅友貞立于大梁更名瑱

夏六月梁賜高季昌爵渤海王遼唐諱更名季興據江陵傳從誨保融保勗繼

冲至宋太祖乾德四年降之

乙亥貞明年冬十月梁康王友敬作亂伏誅

梁主疎忌宗室專任趙巖及德妃兄弟張漢鼎漢傑等叅預謀議依勢弄權政事日紊以至於亡

丙子二年○蜀通正元年春正月梁以李愚為左拾遺

梁主聞李愚學行召為左拾遺克崇政院直學士衡王友諒貴重李振等見皆拜之愚獨長揖梁主讓之曰衡王朕兄也朕猶拜之卿長揖可乎對曰陛下以家人禮見衡王拜之宜也振等陛下家臣臣於王無素不敢忘有所屈久之竟以抗直罷

壽正

丁丑 三年○蜀天漢元年漢乾
亨元年○是歲嶺南稱漢 秋八月劉巖稱越帝於

廣州 巖隱弟尋改國號漢傳坊炭
銀三主至宋開寶四年滅

戊寅 四年○蜀 光天元年 秋七月吳以徐知誥為淮南行軍副使

知誥悉
知誥所為

輔政

初洪州進士宋齊丘好縱橫之術知誥奇之至是以

為謀主常引齊丘於水亭屏語或居高堂悉去屏障
獨置大爐以鐵箸畫灰為字隨以匙滅之故所謀人

莫知 錢鏐粉盤記事
知誥灰爐為字

八月晉王大舉伐梁

是舉也晉
兵先敗因
德威父子
死晉王時

巳卯 五年○蜀乾德元年吳 春三月晉以郭崇韜為中

門副使

秋七月晉王以馮道掌書記

郭崇韜以諸將陪食者眾請省其數王怒曰孤為效

死者設食亦不得專可令軍中別擇河北帥孤自歸

太原即召馮道草詞示眾道曰大王方平河南定天

下崇韜所請未至太過不從可矣何必以此驚動遠

近使敵國聞之謂大王君臣不和非所以隆威望也

乃止

冬十月晉廣德勝北城

晉王日與梁人爭互有勝負右射軍使石敬瑭與梁

危亞後滅

人戰於河壩河邊隙地曰壩梁人擊敬瑭斷其馬甲橫衝兵

馬使劉知遠橫衝軍都之號也以所乘馬授之自乘斷甲者

徐行為殿梁人疑有伏不敢迫俱得免敬瑭以是親

愛之

辛巳龍德元事○吳睿皇楊溥順義元年春正月晉得傳國寶

蜀王吳王屢以書勸晉王稱帝晉王曰昔先王語余

云昔天子幸石門吾發兵討賊臣當時威振天下吾

若挾天子據關中自作九錫禪文誰能禁我顧吾家

世忠孝立功帝室誓死不為耳他日當務以復唐社

稷為心慎勿效此曹所為言猶在耳此議非所敢聞

也既而將佐及藩鎮勸進不已魏州僧得傳國寶獻

之將佐皆奉觴稱賀監軍張承業諫曰吾王世世忠

於王室今河北甫定朱氏尚存遽即大位殊非從來

征伐之意王何不滅朱氏求唐後而立之南取吳西

取蜀合為一家雖使高祖太宗復生誰敢居王上者

老奴之志無他但以受先王大恩欲為王立萬世之

基耳王曰此非余所願奈羣下意何承業知不可止

慟哭歸晉陽邑邑成疾不復起未幾卒

壬午二年冬十一月唐特進河東監軍使張承業卒

劉友益曰唐亡十六載矣曷為冠之以唐著承業

承業大議
論光于亡

全錄

之乃心唐室也

于文定曰承業之心未必有他但以婦寺之忠而投奸雄之手卒之提空名以嚮唐資厚實以樹晉事窮勢迫而不能自悟也悲夫

後唐紀

莊宗皇帝

名存勗姓朱邠沙陀人先世唐賜姓李氏在位三年

癸未

同光元年

夏四月晉王存勗稱皇帝于魏州國號唐

唐遣李嗣源襲梁鄆州取之以嗣源為節度使

嗣源胡人為晉

王克用

養子

秋八月梁以段凝為招討使遣王彥章張漢傑攻鄆州

冬十月唐主救鄆州梁師敗績王彥章歿之唐主入大梁梁主瑱自殺唐遂滅梁

唐主聞梁人數道入寇召諸將會議郭崇韜曰梁以

精兵授段凝決河自固恃此不復為備凝非將才不

足畏陛下若留兵守魏固保楊劉名城自以精兵與鄆

州合勢長驅入汴彼城中空虛必望風自潰偽主授

首則諸將自降矣唐主曰此正合朕意吾行決矣遂

以大軍濟河至鄆州以李嗣源為前鋒遇梁兵一戰

敗之追至中都圍之梁兵潰追擊破之擒王彥章唐

主欲降之彥章曰余蒙梁恩位至上將與皇帝交戰

十五年今兵敗力窮歿自其分豈有朝爲梁將暮爲唐臣此我所不爲也於是諸將稱賀唐主舉酒屬嗣源曰今日之功公與崇韜之力也梁降將康延孝請亟取大梁唐主從之令下諸軍皆踴躍願行遂發中都以彥章終不爲用斬之梁主謂指揮使皇甫麟曰吾不能自裁卿可斷吾首麟泣弑梁主因自殺凝遂降唐賜姓名李紹欽張漢傑等伏誅

于文定曰梁之亡也舊臣如敬翔李振而不能任也乃任趙張之黨而紀綱弛于內名將如霍彥威王彥章而不能用也使豎凝以空國之師翱翔河

上而樊離撤于外卽非李亞子之芻雄嗣源之英武其誰不亡不仁而得天下固無終歲之計也

唐以郭崇韜守侍中○唐加李嗣源中書令

十一月唐以李紹欽爲泰寧節度使

紹欽因伶人景進納貨于宮掖故有

命是

唐主幼善音律或時自傅粉墨與優人共戲於庭以悅劉夫人優名謂之李天下嘗自呼曰李天下李天下優人敬新磨遠前批其頰唐主失色新磨徐曰李天下只有一人尚誰呼邪唐主悅嘗畋中牟踐民稼中牟令當馬前諫曰陛下爲民父母奈何毀其所食

使轉夙溝壑乎唐主怒叱去將殺之新磨追擒至馬前責之曰汝爲縣令獨不知吾天子好獵邪奈何縱民耕種以妨吾天子之馳騁乎汝罪當死因請行刑唐主笑而釋之諸伶出入宮掖侮弄縉紳羣臣憤嫉莫敢出氣亦有反相附託以希恩澤者四方藩鎮爭以賄賂結之其尤蠹政害人者景進爲之首進好采闕閭鄙細事以聞唐主亦欲知外間事遂委進以耳目由是進得施其讒慝于豫政事自將相大臣皆憚之

唐荆南節度使高季興入朝

未幾封季興爲南平王

高季興欲自入朝梁震曰唐有吞天下之志嚴兵守險猶恐不自保况數千里入朝乎且公朱氏舊將安知彼不以仇敵相遇矣季興不從遂入朝唐主待之甚厚從容問曰朕欲用兵於吳蜀二國何先季興以蜀道險難取乃對曰吳地薄民貧克之無益不如先伐蜀蜀土富饒主荒民怨伐之必克克蜀之後順流而下取吳如反掌耳唐主曰善

十二月唐遷都洛陽

甲申

二年○是歲岐降後唐

春正月岐王茂貞遣使入貢于朝

唐主

以爲秦王尋卒

綱鑑要編

卷十八 莊宗

四十一

唐歸則是
在則非
用之監軍
更謬

唐復以宦官為內諸司使及諸道監軍

內諸司使自天祐以來以士人代之至是復用宦者
侵于政事既而復置諸道監軍陵忽主帥怙勢爭權
由是藩鎮皆憤怒

二月唐主祀南郊大赦

郭崇韜頗受餽遺所親諫之崇韜曰吾祿賜巨萬豈
藉外財但以河南藩鎮皆梁之舊臣主上之仇讐也
若拒其意能無懼乎吾特為國家藏之私室耳及將
祀南郊崇韜獻錢十萬緡先是宦官勸唐主分天下
財賦為內外府州縣上供者入外府克經費方鎮供

宦官藉官

怨

唐立夫人劉氏為后

獻者入內府克宴賜於是外府常虛竭無餘而內府
山積及是乏勞軍錢崇韜言于帝曰臣已傾家所有
以助大禮願陛下亦出內府之財以賜有司唐主默
然久之曰晉陽自有儲積可令租庸輩取於是軍士
皆不滿望始怨恨有離心矣

郭崇韜位兼將相權侔人主嬖倖僥求多所摧抑又
引拔浮華鄙棄勳舊由是嬖倖疾之於內勳舊怨之
於外崇韜鬱鬱不得志與所親謀赴本鎮以避之所
親說崇韜曰公若請立劉夫人為皇后則伶宦輩不

能為患矣崇韜從之

尹起莘曰郭崇韜佐莊宗決策滅梁遂一天下自見功高權重姦人議已乃為自安之計時劉氏有寵莊宗嬖之因請立為后用是以中莊宗之欲結劉氏之援其為計宜無如是之良者然卒之殺崇韜者劉氏也

唐詔州鎮無得修城毀其守具

夏五月唐以伶人陳俊儲德源為刺史

初胡柳之役伶人周匝為梁所得唐主每思之入汴之日匝謁見泣言臣所以得生皆梁教坊使陳俊內

園使儲德源之力也願乞二州以報之唐主許之郭崇韜曰陛下所與共取天下者皆英豪忠勇之士今大功始就封賞未及一人而先以伶人為刺史恐失天下心以是不行踰年伶人屢以為言唐主謂崇韜曰吾已許周匝矣公言雖正然當為我屈意行之故有是命時親軍有百戰未得刺史者莫不憤歎

乙酉三年○蜀咸康元年漢白龍元年○是歲蜀亡夏六月唐主作清暑樓

唐主苦溽暑宦者因言長安全盛時宮中樓觀以百數今日官家曾無避暑之所唐主乃命王允平別建一樓猶慮郭崇韜諫遣中使語之曰今歲盛暑異常

朕昔在河上行營甲濕被甲乘馬親當矢石猶無此暑今居淡宮之中而暑不可度奈何對曰陛下昔在河上勅敵未滅謂梁淡念讐耻雖有盛暑不介聖懷今外患已除海內賓服故雖珍臺閑館猶覺鬱蒸也陛下倘不忘艱難之時則暑氣自消矣唐主默然宦者曰崇韜之第無異皇居宜其不知至尊之熱也唐主卒命允平營樓日役萬人所費巨萬崇韜諫曰今河南水旱軍食不克願且息役以俟豐年不聽秋九月唐遣魏王繼岌及郭崇韜將兵伐蜀滅于文定曰莊宗伐梁七日而入其城伐蜀七十日

而滅其國一何神哉王衍之亡不勞餘力君臣子母沉湎宴溺朝無紀綱國無政令強臣跋扈佞幸盈庭敵國一臨邊城送款人心之潰久矣衍實自亡非唐亡之也

冬十二月唐以孟知祥為西川節度使
明宗皇帝名嗣源更名亶晉王克用養子在位八年
丙戌四年明宗天成元年春正月唐魏王繼岌殺郭崇

韜
初唐主遣宦者李從襲等從繼岌繼岌雖為都統軍中制置一出崇韜將吏賓客趨走盈庭而都統牙門

羅貫之死
崇韜可去
而不去自
致夷滅衰

索然從襲等耻之及破蜀蜀之貴臣大將爭以寶貨
 妓樂遺崇韜及其子廷誨繼岌不過匹馬束帛唾壺
 塵柄而已時蜀中盜賊羣起崇韜恐大軍既去更為
 後患命任圜張筠分道招討以是淹留未還唐主遣
 宦者何延嗣促之崇韜待之倨延嗣怒從襲曰郭公
 專權諸將皆郭氏之黨王寄身于虎狼之口一朝有
 變吾屬不知委骨何地矣因相向垂涕延嗣歸具以
 語劉后后泣訴于唐主請早救繼岌唐主復遣宦官
 馬彥珪馳詣成都觀崇韜去就皇后自為教典與繼
 岌令殺崇韜彥珪至以皇后教示繼岌繼岌曰彼無

釁端安可為此且主上無勅獨以皇后教殺招討使
 可乎從襲等泣相與巧陳利害繼岌從之召崇韜討
 事從者李環搥碎其首并殺其二子命任圜代總軍
 政

于文定曰崇韜之罪有三焉不善處權不善處利
 不善處小人善處權者常不亡避善處利者常不
 亡予善處小人者常不忘密而韜皆失之庸能免
 乎。

二月唐鄴都亂遣李紹榮招諭之

唐鄴都亂奉劾節指揮使趙在禮為帥唐主遣歸德

節度使李紹榮詣鄴都招諭不從紹榮原姓元名行欽乃命成

德節度使李嗣源討之嗣源至鄴都是夜從馬直軍

士張破敗帥眾大譟焚營嗣源叱而問之對曰將士

從主上十年百戰以得天下今主上棄恩任威云克

城之後當阮魏博之軍我輩初無叛心但畏死耳今

欲與城中合勢請主上帝河南令公帝河北為軍民

之主嗣源涕泣論之不從遂劫嗣源入城在禮帥諸

校迎拜嗣源泣謝曰將士輩負令公敢不惟命是聽

嗣源詭說在禮曰凡舉大事須藉兵力今外兵流散

無所歸我為公出收之在禮乃聽嗣源出遂奔相州

遇馬防便康福得馬數千匹始能成軍紹榮奏嗣源

已叛與賊合嗣源遣使上章自理一日數輩皆為紹

榮所遏嗣源由是疑懼石敬瑭曰夫事成於果決而

敗於猶豫安有上將與叛卒入賊城而他日得保無

恙乎嗣源乃引兵向大梁令中門使安重誨移檄會

兵軍執大盛紹榮請唐主幸關東招撫之唐主從之

唐主如關東李嗣源入大梁唐主乃還

唐主發洛陽次汜水時嗣源至滑州知汴州孔循遣

使迎唐主亦遣使輸款於嗣源曰先至者得之石敬

瑭以兵入據其城使人趣嗣源嗣源至大梁唐主至

萬勝鎮聞嗣源已奪大梁登高歎曰吾不濟矣卽命旋師唐主入洛城嗣源命敬瑭將前軍趣汜水收撫散兵嗣源繼之宰相樞密奏西軍將至車駕宜且控汜水收撫散兵以俟之唐主從之

尹起莘曰方張破敗劫嗣源入城得聞出宿魏縣奔相州時而書其反是誣之也若夫聽石敬瑭之計急趨汴州命安重誨移檄會兵欲何爲哉及嗣源在汴唐主至萬勝鎮君臣相望僅數十里間耳苟無反心胡不遣腹心之使陳忠赤之詞明其爲元行欽所隔絕安知唐主不亮其心也哉况大梁天子之城乃公然占而據之車駕將至不行遜避及其返也又以兵踵之而西歐陽氏五代史以反書之夫豈過哉

夏四月唐伶人郭從謙弒其主存勗李嗣源入洛陽唐主復如汜水將發從馬直指揮使郭從謙作亂唐主爲流矢所中遂殂嗣源至壘子谷聞之慟哭謂諸將曰主上素得士心止爲羣小蔽惑至此今吾將安歸乎乃入洛陽止于私第百官三上牋請嗣源監國乃許之

尹起莘曰從謙指揮使也不書書伶人所以著寵

任伶優者之效也

唐監國嗣源殺劉后及諸王

申王存渥通劉后

唐魏王繼岌至長安自殺

唐主嗣源立○唐以馮道趙鳳為端明殿學士

唐主目不知書四方奏事皆令安重誨讀之重誨亦

不能盡通乃奏選文學之臣與之共事以備應對置

端明殿學士以馮道趙鳳為之

于文定曰自柳璨構扇誅夷清流唐之文人才士

芟夷殆盡五代君臣皆雜虜健兒起百戰一代文

明化為闇泐明宗乃能開右文之端在群胡中可

謂彬彬矣

丁亥

二年○吳乾貞元年

春正月唐以馮道崔協同平章事

時議置相樞密使孔循已薦鄭珏又薦崔協宰相任

園欲用李琪珏素惡琪故循力沮之他日議於朝唐

主曰宰相重任吾在河東時見馮書記指道多才博學

與物無競此可相矣既退循不揖拂衣去因稱疾不

朝者數日安重誨謂園曰今方乏人協且備員可乎

園曰明公捨李琪而相崔協是猶棄蘓合之丸取蝘

蝓之轉也蝘蝓蟲名能以土包糞轉成丸如尸循與解而去莊子註以蝘蝓而笑蘓合

重誨曰短琪而譽協竟以道協同平章事

趙鳳止明宗召相者周玄豹得相休

協雖名家識字其可

亦肖其人而以與物無競論相失之遠矣

于文定曰李克用之伯也周德威張承業主之朱
全忠之王也敬翔李振輔之李存勗之王也郭崇
韜李嗣源佐之李嗣源之王也安重誨石敬瑭佐
之石敬瑭之王也桑維翰劉知遠佐之劉知遠之
王也郭威史弘肇佐之郭威之王也范質魏仁浦
佐之柴榮之王也王朴李穀佐之長樂老人兼有
五代之君而不居其功可謂耐丘臣矣

二月唐主以婿石敬瑭爲六軍諸衛副使

戊子 三年○漢
大有元年

巳丑 四年○吳
太和元年 秋七月有年

唐主與馮道從容語及年穀屢登四方無事道曰臣
嘗記昔在先皇幕府奉使中山歷井陘之險臣憂馬
蹶執轡甚謹幸而無失逮至平地放轡自逸俄而顛
隕凡爲天下者亦猶是也唐主淡以爲然又問道今
歲雖豐百姓贍足否道曰農家歲凶則歿于流殍歲
豐則傷於穀賤豐凶皆病者惟農家爲然臣記進士
聶夷中詩云二月賣新絲五月糶新穀醫得眼前瘡
剗却心頭肉語雖鄙俚曲盡農家之情狀唐主命左
右錄其詩嘗諷誦之

庚寅 長興元年 秋九月唐以范延光爲樞密使

道發此言
蓋冠之矣

唐安重誨久專大權中外惡之重誨懼表解機務求

一鎮以全餘生唐主遣中書議重誨事馮道曰諸公

果愛安令公宜解其樞務為便趙鳳曰公失言即奏

大臣不可輕動乃以延光為樞密使而重誨如故未

致仕

辛卯二年冬十一月吳以其中書令徐知誥鎮金陵後封齊王

壬辰二年冬十一月唐以石敬瑭為河東節度使

癸巳四年閏王王延鈞龍啓元年是歲延鈞稱帝春二月唐以孟知祥為蜀

王尋稱帝傳子昶至宋乾德三年降

冬十一月唐主亶殂

明宗性不猜忌與物無競每夕於宮中焚香祝天曰

某胡人因亂為眾所推願天早生聖人為生民主在

位八年年穀屢豐兵革罕用較於五代粗為小康

十二月唐主從厚立是為閔帝

廢帝名從珂本姓王氏鎮州平山人明宗養以為子在位二年

甲午閔帝從厚應順元年唐主從珂清泰元年蜀主孟知祥明德元年是歲知祥稱帝

春正月唐以潞王從珂為河東節度使石敬瑭為成德

節度使從珂舉兵鳳翔唐遣兵討之官軍降潰

唐潞王從珂至長安唐主以唐義誠為招討使將兵拒

之

潞王

從珂至陝義誠請降唐主憂駭不知所爲遂出奔從
珂引兵將至馮道謂中書舍人盧導曰勸進文書宜
速具草導曰潞王入朝百官班迎可也設有廢立當
俟太后教令豈可遽議勸進乎道曰事當從實導曰
安有天子在外人臣遽以大位勸人耶李愚曰舍人
之言是也吾輩之罪擢髮不足數矣

夏四月唐潞王從珂入洛陽廢其主從厚爲鄂王而自
立
從珂至蔣橋馮道等皆上牋勸進太后下令廢閔帝
而立潞王乃卽位

尋弒閔帝于衛州

五月唐復以石敬瑭爲河東節度使

唐主與石敬瑭皆以勇力善鬪事明宗然素不相悅
唐主卽位敬瑭不得已入朝時敬瑭久病羸瘠鳳翔
舊將佐皆勸留之唐主見其骨立不以爲虞乃遣之
河中敬瑭旣還陰爲自全之計

秋七月唐以盧文紀姚覲同平章事

唐主欲更命相問諸親臣皆以盧文紀崔居儉對唐
主不能決乃寘其名於琉璃瓶夜焚香祝天且以箸
挾之得二人遂以爲相

乙未

二年○吳天祚元年閩永和元年

冬十二月唐以馮道爲司空

任之非也疑之是也

丙申

三年。晉敬瑭天福元年。閩主昶通文元年。

夏五月唐以石敬瑭為天

平節度使敬瑭拒命唐主發兵討之

唐主以千春節置酒晉國長公主上壽畢辭歸晉陽

唐主醉曰何不且留遽歸欲與石郎反耶石敬瑭聞

之益懼欲嘗唐主之意累表自陳羸疾乞解兵柄移

他鎮帝與執政議從其請移鎮鄆州樞密使房嵩學

士李崧御史中丞呂琦等皆力諫以為不可學士薛

文遇曰河東移亦反不移亦反在且暮耳不如先事

圖之唐主即命學士院使草制徙敬瑭鎮天平敬瑭

謀於將佐曰吾之再來河東也主上面許我終身不

激亂

崧琦皆先
員弁上策

存唐為失
軍在張敬
達為不辱
命

除代今忽有是命得非如今年千春節與公主所言

乎判官趙瑩勸敬瑭赴鄆州都押衙劉知遠曰明公

久將兵得士卒心今據形勝之地士馬精彊若稱兵

傳檄帝業可成奈何以一紙制書自投虎口乎掌書

記桑維翰曰公明宗愛婿主上以反逆見待此非首

謝可免但力為自全之計契丹主素與明宗約為兄

弟公誠能推心屈節事之朝呼夕至何患不成敬瑭

意遂決表唐主養子不應承祀請傳位許王

明宗子
從益也

唐主怒裂其表抵地遣張敬達等討之

秋七月石敬瑭遣使求救於契丹

敬瑭令維翰草表稱臣於契丹且請以父禮事之約
事捷之日割盧龍一道及雁門關以北諸州與之劉
知遠諫曰稱臣可矣以父事之太過厚以金帛賂之
不必許以土地恐異日大為中國之患悔之無及敬
瑭不從表至契丹主大喜許俟仲秋傾國赴援

丁奉曰父事契丹而獻幽薊十六州陷于腥羶者
四百三十二年是固敬瑭之罪實桑維翰之創謀
也。

九月契丹德光將兵救石敬瑭唐兵大敗契丹圍之唐
主自將次懷州

唐主憂沮日夕酣飲悲歌羣臣或勸其北行則曰卿
輩勿言石郎使我心膽墜地

冬十一月契丹立石敬瑭為晉皇帝敬瑭割幽薊等十
六州以賂之

契丹主謂敬瑭曰吾三千里來赴難必有成功觀汝
器貌識量真中原之主也吾欲立汝為天子敬瑭辭
讓數四將吏復勸進乃許之契丹主作冊書命敬瑭
為大晉皇帝是日卽位割幽薊涿檀順新雲蔚瀛莫
武應朔媯儒寰等十六州以與契丹仍許歲輸帛三
十萬匹

晉以趙瑩桑維翰同平章事

契丹以晉主南下破唐兵于團柏○晉主發潞州契丹

北還○唐主還洛陽自焚

晉主入洛陽

冬十二月晉以馮道同平章事

後晉紀

高祖皇帝姓石名敬瑭在位七年

丁酉天福二年○南唐烈祖徐誥昇元元年○是歲吳亡徐誥稱帝夏四月晉遷都汴

州

六月晉以和凝為端明殿學士張誼為左拾遺

張誼

凝署其門不通賓客耀州推官張誼致書于凝以為切近之職為天子耳目宜知四方利病奈何拒絕賓客雖安身為便如負國何凝奇之薦於桑維翰除左拾遺誼上言北狄有援立之功宜外敦信好內謹邊備不可自逸以啓戎心晉主深然之

秋七月吳徐誥稱帝同號唐是為南唐奉吳主為讓皇尋遷于潤州唐主更名誥

後復姓李氏更名昇傳璟煜至宋開寶八年擊降之

契丹改號遼

戊戌三年○蜀廣政元年秋八月晉上尊號於契丹

晉主事契丹甚謹奉表稱臣謂契丹主為父皇帝每

敬瑭媚契丹遂為宋

齊丘趙德
鈞父子之
人 祖萬古罪

朝野似未
必耻

馮道亦希
上指而應
重威

契丹使至即於別殿拜受詔勅歲輸金帛三十萬之
外吉凶慶弔歲時贈遺相繼於道乃至太后元帥太
子諸王大臣皆有賂遺小不如意輒來責讓多不遜
語朝野咸以為耻而晉主事之曾無倦意後契丹主
屢止晉主上表稱臣但今為書稱兒皇帝如家人禮
冬十月契丹加晉主尊號

巳亥四年○閩主春三月晉加劉知遠杜重威同平章
職永隆元年

事

知遠自以有佐命功重威起外威重威為護聖都指
揮使尚晉主妹樂
平長公主無大功耻與之同制制下數日杜門不受晉主

怒欲落知遠軍權令歸私第趙瑩拜請曰陛下昔在
晉陽兵不過五千為唐兵所攻危于朝夕非知遠心
如金石豈能成大業奈何以小過棄之晉主意乃解
辛丑六年○是歲
閩主職稱帝夏六月晉成德節度使安重榮執契
丹使者上表請伐契丹

重榮恥臣契丹執契丹使拽刺契丹
使名上表稱吐谷渾
等願與晉共擊契丹又為書遺朝貴及移藩鎮云已
勒兵必與契丹決戰晉主患之泰寧節度使桑維翰
密上疏曰陛下免於晉陽之難而有天下皆契丹之
功也今重榮恃勇輕敵吐谷渾假手執仇皆非國家

禍本

之利不可聽也。臣願陛下訓農習戰，養兵息民，使國

無內憂，民有餘力。然後觀釁而動，動必有成。晉主謂

使者曰：朕比日以來，煩懣不決，今見卿奏如醉醒矣。

重榮尋反，杜重威擊破之。重榮伏誅。晉主函其首送契丹。

壬寅 七年六月晉主重貴立。漢主玠光天元年。 夏六月晉主敬瑭殂，兄子

齊王重貴立。

晉主有疾，一日馮道獨對晉主，命幼子重睿出拜之。

又令宦者抱置道懷中，欲道輔立之。及晉主殂，道與

侍衛馬步都虞侯景延廣議以國家多艱，宜立長君。

乃奉齊王重貴為嗣。是日即位，延廣始用事。

癸卯 天福八年。南唐元宗璟保大元年。殷王延政天德元年。南漢主晟乾和元年。

春二月閩富沙王延政稱帝於建州，國號殷。改國號閩。至開運二年降。

唐

秋九月晉執契丹回圖使喬榮既而歸之。

晉主之初即位也，大臣議奉表稱臣告哀于契丹，侍

衛都指揮使景延廣請致書稱孫而不稱臣，契丹大

怒，遣使來責讓。延廣復以不遜語荅之。契丹盧龍節

度使趙延壽欲代晉帝，中國屢說契丹擊晉。契丹主

頗然之。初，河陽牙將喬榮從延壽入契丹，契丹以為

回圖使。圖，規畫也。回，轉移也。往來販易於晉，置邸大梁，至是延

廣說晉主囚榮于獄凡契丹販易在晉境者皆殺之
 大臣皆言契丹不可負乃釋榮慰賜而歸之榮辭延
 廣延廣大言曰歸語而主先帝為北朝所立故稱臣
 奉表今上乃中國所立所以降志於北朝者正以不
 敢忘先帝盟約耳為鄰稱孫足矣翁怒則來戰孫有
 十萬橫磨劍足以相待他日為孫所敗取笑天下毋
 悔也榮欲為異時據驗乃曰公所言頗多懼有遺忘
 願記之紙墨延廣命吏書其語以授之榮具以白契
 丹契丹主大怒入寇之志始決晉使如契丹者皆繫
 之桑維翰屢請遜辭以謝契丹每為延廣所沮河東

節度使劉知遠知延廣必致寇而不敢言但益募兵

增置十餘軍以備契丹

甲辰開運元年○是歲閩亡春三月契丹寇晉澶州不克引還

秋八月晉以劉知遠為行營都統杜威為招討使督十

三節度以備契丹杜威即重威

冬閏十二月契丹復入寇

乙巳二年○是歲殷改稱閩而亡春正月契丹至相州引還晉主自

將追之

晉主至澶州諸將引軍北上劉知遠聞之曰中國疲
 弊自守恐不足乃橫挑疆胡勝之猶有後患况不勝

乎契丹還軍南下晉兵擊破之契丹敗走晉主
夏六月晉遣使如契丹

契丹連歲入寇桑維翰屢勸晉主請和以紓國患晉
主遣使奉表稱臣詣契丹謝過契丹主曰使景延廣
桑維翰自來仍割鎮定兩道隸我則可和朝廷以契
丹語忿為無和意乃止

丙午三年冬十月晉遣杜威將兵伐契丹至瀛州與契丹戰不利而還

契丹大舉入寇

契丹以大軍當晉軍之前潛遣將將百騎出晉軍之
後斷晉糧道及歸路樵采者遇之盡為所掠有逸歸

趙延壽為契丹董取中原之策

者皆稱虜眾之盛軍中恐懼桑維翰以國家危在旦
夕求見言事晉主方在苑中調鷹辭不見又請執政
言之執政不以為然退謂所親曰晉氏不血食矣

十二月契丹遣兵入大梁執晉主重貴以歸

契丹捕景延廣延廣見契丹主於封丘契丹主詰之
曰兩主失歡皆汝所為也十萬橫磨劍安在召喬榮
使相辨證延廣初不服榮以紙所記語示之乃服延
廣伏地請死乃鎖之延廣自殺

後漢紀

高祖皇帝 姓劉名知遠更
名暉在位二年

二事輒增
一籌至八
籌

丁未仍稱晉天春正月契丹封晉主重貴為負義侯徙之黃龍府○契丹縱兵大掠遣使括借士民錢帛

契丹縱胡騎四出分番剽掠丁壯斃於鋒刃老弱委於溝壑於是內外始患苦契丹皆思逐之矣

二月劉知遠稱帝於晉陽

初知遠為北面行營都統廣募士卒又得吐谷渾財畜由是富强晉主與契丹結怨知遠知其必危而未嘗論諫契丹屢深入知遠初無邀遮入援之志及契丹入汴乃分兵守四境遣使稱臣契丹主賜詔褒美親加兒字於知遠姓名之上契丹主召晉百官問曰

契丹知知遠而晉主不知

中國之俗異於吾國吾欲擇一人君之如何皆曰夷夏之心皆願推戴皇帝契丹主服通天冠絳紗袍登正殿設樂縣儀衛於庭百官朝賀下制稱大遼會同十年大赦河東將佐勸知遠稱尊號以號令四方知遠從之知遠即位自言未忍改晉國又惡開運之名乃更稱天福十二年詔諸道為契丹括率錢帛者皆罷之

三月契丹德光發大梁晉文武諸司從者數千人盡載府庫之寶以行

夏六月晉主知遠入大梁始改國號曰漢

隱皇帝名承祐高祖太子在位三年

戊申乾祐元年二月春正月漢以馮道為太師

漢主高祖周王承祐立

夏四月漢以郭威為樞密使未幾兼侍中

庚戌二年夏四月漢以郭威為鄴都留守

冬十月漢主承祐殺其樞密使楊邠侍衛指揮使史弘

肇三司使王章遣使殺郭威不克威舉兵反遂弒其主

承祐

漢主自即位以來楊邠總機政郭威主征伐史弘肇

典宿衛王章掌財賦以是國家粗安漢主左右嬖幸

浸用事邠等屢譖抑之漢主厭為大臣所制邠弘肇

魯食不成
史筆
章聚斂有
鼠雀耗貽

禍萬世

議事憤激

積漸不平

罪在臣子

失刑

郭崇威超

修已決策

嘗議事於前曰陛下但禁聲有臣等在漢主積不能

平左右因譖之於是遂謀殺弘肇邠章又遣供奉官

孟業齎密詔詣鄴殺威威乃留其養子鎮鄴自將大

軍至封丘漢主命慕容彥超等將兵拒戰敗還是日

漢主出勞軍為亂兵所弒威自迎春門人歸私第馮

道帥百官謁見威猶送之道受拜如平時徐曰侍中

此行不易

漢迎武寧節度使劉贇於徐州贇高祖弟崇子

郭威帥百官起居太后奏請早立嗣君乃議立贇遣

太師馮道等詣徐州奉迎

漢太后臨朝

郭威帥羣臣請之也

漢以王峻為樞密使王殷為侍衛都指揮使

二人皆郭威之黨

契丹入寇漢遣郭威將兵擊之○漢郭威至澶州自立

而還王峻王殷遣兵拒劉贇以太后詔廢為湘陰公令

郭威監國

明年弒贇

威至澶州將發將士數千人忽大譟曰天子須侍中

自為之或裂黃旗以被威體共扶抱之呼萬歲震地

因擁威南行威乃上太后牋請奉漢宗廟事太后為

母贇至宋州王峻王殷聞潭州軍變遣郭崇威將七

百騎往拒之太后詔廢贇為湘陰公以威監國百官

藩鎮相繼上表勸進

後周紀

太祖皇帝

姓郭名威在位三年

辛亥

廣順元年○北漢主劉崇乾祐四年○是歲北漢稱帝

春正月郭威稱皇帝

國號周

漢劉崇稱帝於晉陽

更名昞仍用乾祐年號是為北漢傳鈞繼恩繼元至宋興國四年滅

周罷四方貢獻珍食詔百官上封事

周主謂王峻曰朕起於寒微備嘗艱苦遭時喪亂一

且為帝王豈敢厚自奉養以病下民乎命峻疏四方

貢獻珍食物詔悉罷之又詔曰朕生長軍旅不親

罷

求治

綱鑑要編

卷十八

十一

學問未知治天下之道。文武官有益國利民之術。各具封事以聞。

北漢主遣其子承鈞將兵伐周不克

二月周主以其養子榮為鎮寧節度使

榮姓柴氏太祖后兄守禮之子

太祖無子養之

北漢遣使如契丹乞師

初契丹主聞北漢主立使其招討使潘聿燃遺劉承鈞書北漢主使承鈞復書言本朝淪亡欲循晉室故事求援北朝契丹主大喜至是北漢主遣使如契丹乞兵

夏四月周以王峻范質李穀同平章事

時國家新造四方多故王峻夙夜盡心知無不為軍旅之謀多所禫益范質明敏彊記謹守法度李穀沈毅有器略在周主前論議辭色忼慨善譬喻以開主意

冬十月契丹北漢會兵伐周攻晉州

周遣王峻救之契丹北漢兵夜遁

癸丑

三年

春三月周主以郭榮為開封尹封晉王

夏六月周九經板成

唐明宗之世令國子監校正九經刻板印賣至是板成獻之由是九經傳布甚廣

綱鑑要編

卷十八 太祖

十一

于文定曰郭祖一正位號卽除前代苛法罷四方
貢獻毀漢宮遺寶通江南糴買至乃躬謁闕里崇
儒右文太平可想望矣世宗繼之南定江淮西取
秦隴北取關內之地摧太原之鋒吳越閩蜀輸理
納款神武不殺有王者之風乃兩姓相承祚不盈
紀徒啓宋室一代之治耳

世宗皇帝

名榮太祖養子
在位六年

甲寅

顯德元年正月世宗睿武孝文
皇帝榮立○北漢孝和帝鈞立

春正月周主威殂

晉王榮立

二月北漢主以契丹兵擊周○三月周主自將與漢戰

于高平漢兵敗績周將樊愛能何徽等伏誅

周主與北漢主戰于高平樊愛能何徽引騎兵先遁
步兵千餘人解甲呼萬歲降于北漢周主見兵勢危
自引兵親犯矢石督戰宿衛將趙匡胤謂同列曰主
危如此吾屬何得不致死乃身先士卒馳犯其鋒士
卒死戰無不一當百漢兵大敗愛能等聞捷與士卒
稍稍復還周主責之曰汝輩皆累朝宿將非不能戰
正欲以朕爲奇貨賣與劉崇耳悉斬之自是驕將惰
卒始知所懼

周太師中書令瀛王馮道卒

八字表鉢

廉耻亡何
有德量

禁軍羸弱
以致失國
非細故也

無用之物
亦不少矣

舉主連坐

求言

三朴

道少以孝謹知名唐莊宗世始貴顯自是累朝不離
將相公師之位為人清儉寬弘人莫測其喜愠滑稽
多智浮沉取容嘗著長樂老敘自述累朝榮遇之狀
時天下大亂生民之命急於倒懸馮道嘗自號長樂
老著書數百言陳已更事四姓及契丹所賜階勳官
爵以為榮自謂孝於家忠於國有子有孫時開一卷
時飲一杯老而自樂何樂如之其自述之敘大略如
此時人皆以德量推之

胡友益曰馮道歷事四姓十君無耻甚矣

冬十月周簡閱諸軍募壯士以補宿衛

初宿衛之士累朝務為姑息羸老居多驕蹇不用命
每遇大敵不走即降所以失國亦多由此周主因高

平之戰始知其弊謂侍臣曰凡兵務精不務多乃命
大簡諸軍由是士卒精強所向克捷

乙卯二年春正月周制舉令錄法

初令翰林學士兩省舉令錄除官之日仍署舉者姓
名若貪穢敗官竝當連坐

夏四月周以王朴為諫議大夫知開封府事

周主謂宰相曰朕每思致治之方未得其要寢食不
忘又吳蜀幽并皆阻聲教未能混一宜命近臣著為
君難為臣不易論及開邊策一篇朕將覽焉比部郎
中王朴獻策以為中國之失吳蜀幽并皆由失道今

必先觀其所以失之之原。然後知所以取之之術。其始失之也。莫不以君暗臣邪。兵驕民困。今欲取之。莫若反其所為而已。進賢退不肖。以收其才。恩德誠信。以結其心。賞功罰罪。以盡其力。去奢節用。以豐其財。時使薄歛。以阜其民。俟羣才既集。政事既治。財用既克。士民既附。然後舉而用之。功無不成矣。凡攻取之道。必先其易者。唐與吾接境。其勢易擾也。擾之當以無備之處為始。備東則擾西。備西則擾東。南人懦怯。聞小有警。必悉師以救之。師數動。則民疲而財竭。不悉師。則我可以乘虛取之。如此。江北諸州。將悉為我。

非後燕也。如此而後。燕可圖也。其後宋取蜀。吳江。南吳。越。太原。最後取幽州。兵疲而功不成。惜哉。

有既得江北。則用彼之民。行我之法。江南亦易取。既得江南。則嶺南巴蜀。可傳檄而定。南方既定。則燕地必望風內附。惟河東必死之寇。不可以恩信誘。必當以彊兵制之。然彼自高平之敗。力竭氣沮。必未能為邊患。宜且以為後圖。俟天下既平。然後伺間一舉。可擒也。周主欣納之。

六月周主親錄囚於內苑。

有汝州民馬遇父及弟為吏所寃。死屢經覆按。不能自伸。世宗臨問。始得其實。人以為神。由是諸長吏無不親察獄訟。

獄獄

丙辰

三年

春二月周主命趙匡胤將兵襲唐滁州克之

周主親征淮南命侍衛都指揮李重進將兵先赴正陽唐劉彥貞引兵來拒重進大破之斬彥貞唐人大恐其將皇甫暉姚鳳退保清流關周主命趙匡胤襲之暉等走入滁州斷橋自守匡胤麾兵涉水直抵城下暉曰人各為其主願容成列而戰匡胤笑而許之暉整衆而出匡胤擁馬突陣而入擊暉擒之并擒鳳遂克滁州周主遣翰林學士竇儀籍滁州帑藏匡胤遣親吏取藏中絹儀曰公初克城時雖傾藏取之無傷也今既籍為官物非有詔書不可得也匡胤由是

重儀初承興節度使劉詞遺表薦其幕僚薊人趙普至是范質以為滁州判官匡胤與語悅之時獲盜百餘人皆應歿普請先訊鞫然後決所活什七八匡胤益奇之匡胤威名日盛每臨陣必以繁纓飾馬鎧仗鮮明或曰如此恐為敵所識匡胤曰吾固欲其識之耳

三月唐主以其弟齊王景達為元帥將兵拒周師

唐主以兵屢敗遣學士李德明司空孫晟來言請割壽濠泗楚光海六州以求罷兵周主欲盡得江北之地不許唐主命弟齊王景達將兵二萬趣六合以拒

周趙匡胤奮擊大破之是戰也士卒有不致力者匡胤陽為督戰以劔斫其皮笠明日徧閱皮笠有劔跡者數十人皆斬之由是部兵莫敢不盡力

秋八月周作欽天曆

王朴與司天少監王處訥所撰也

冬十月周以趙匡胤為定國節度使兼殿前都指揮使

匡胤表趙普為節度推官

十一月周召華山隱士陳搏詣闕尋遣還山

周主召陳搏問以飛升黃白之術對曰陛下為天子當以治天下為務安用此為乃遣還山詔州縣長吏常存問之

丁巳

四年。北漢矢會元年

春三月周主之父光祿卿致仕柴守

禮犯法周主不問

周主既為太祖嗣人無敢言守禮子者但以元舅處之優其俸給未嘗至大梁嘗以小忿殺人有司不敢詰世宗知而不問

秋九月周以竇儼為中書舍人

儼上疏請令有司討論禮儀考正鍾律作通禮正樂又以為政之本莫大擇人擇人之重莫先宰相自有唐之末輕用名器始為輔弼即兼三公僕射之官故其未得之也則以趨競為心既得之也則以容默為

又陳興盜
廣種疏亦
准

事乞今宰相各舉所知且令以本官權知政事期歲
之間察其職業若果能堪稱其官已高則除平章事
未高則稍更遷官權知如故若有不稱則罷其政事
責其舉者又班行之中有員無職者大半乞量其才
器授以外任考其治狀能者進之否者黜之世宗善
之

冬十一月周主自將伐唐

戊午

五年○唐中興元年
南漢主張大寶元年

春三月周主臨江遣水軍擊

唐兵破之唐主遣使盡獻江北地周主罷兵引還

夏五月唐主更名景去帝號奉周正朔

唐主避周
諱更名景

秋八月周遣閣門使曹彬如吳越

周遣曹彬以兵器賜吳越事畢亟返不受餽遺吳越
人以輕舟追與之至於數四彬曰吾終不受是竊名
也盡籍其數歸而獻之周主曰鄉之奉使者乞匄無
厭使四方輕朝命卿能如是甚善然彼以遺卿卿自
取之彬始拜受悉以散於親識家無留者

冬十月周遣使均定境內田租

周主留心農事嘗刻木為農夫蠶婦置之殿庭欲均
田而租稅初以元禎均田圖賜諸道至是詔散騎常
侍艾穎等三十四人分行諸州均定田租

已未 六年六月恭 春正月周命王朴作律準定大樂

周主見鐘磬有設而不擊者問樂工皆不能對乃命
竇儼討論古今考正雅樂以王朴素曉音律詢之朴
上疏曰昔黃帝吹九寸之管得黃鍾正聲半之為清
聲倍之為緩聲三分損益之以生十二律旋相為宮
以生七調為一均凡十二均八十四調而大備遭秦
滅學歷代罕能用之臣謹如古法以柷黍定尺長九
寸徑三分為黃鍾之管因而推之得十二律以為眾
管互推用聲不便乃作律準十有三絃其長九尺皆
應黃鍾之聲以次設柱為十二律及黃鍾清聲旋用

七律以為一均為均之主者宮也徵商角羽變宮變
徵次焉發其均主之聲歸乎本音之律迭應不亂乃
成其調凡八十四調此法久絕出臣獨見詔從之

二月周淮南饑

周主命以米貸之或曰民貧恐不能償周主曰民吾
子也安有子倒懸而父不為之解哉安在責其必償
也

夏四月周主自將伐契丹五月取瀛莫 瀛州 霸州遂
趣幽州有疾乃還

六月周以趙匡胤為殿前都檢點 尋領歸德
軍節度使

周主榮殂梁王宗訓立

世宗在藩多務韜晦及卽位破高平之寇人皆服其英武其御軍號令嚴明人莫敢犯攻城對敵矢石落在左右人皆失色而世宗略不動容應機決策出人意料又勤于爲治百官簿籍過目無所忘發奸摘伏聰察如神閑暇則召儒者讀前史商確大義羣臣有過則面質責之服則赦之有功則厚賞之文武參用各盡其能無不畏其明而懷其惠故能破敵廣地向無前然用法太嚴羣臣職事小有不舉往往寘之極刑雖素有才幹聲名無所開宥尋亦悔之末年浸

寬登遐之日遠邇哀慕焉


于文定曰五代相承將驕卒悍財匱民窮皆姑息所致也世宗能大振法紀力挽頽風斬樊愛能何徽望敵先潰斬之軍中而將知有法首宿衛之士汰甚羸弱拔其精銳而兵知有律將吏畏慎士馬精強征伐四方所向皆捷由賞罰明而選練精也乃知姑息之端生于猶豫猶豫之敝起于偏私持以公而行以斷未有不可爲者

恭帝

名宗訓世宗太子
在位半年國亡

綱鑑要編卷之十八終一

文化茂展



Faint vertical text columns, possibly bleed-through from the reverse side of the page, including characters like '綱鑑要編' and '卷之十八'.

